

中华史书精典系列

●
清史稿

简体横排标点本

二十五史

(全本)


新疆青少年出版社

责任编辑 王力行 高修俊 张奋成
封面设计 云 青

以最少的钱，买最好的书！

二十五史，中华五千年的文明史。
上自五帝，下到辛亥革命，卷帙繁浩，
计6千余万言。以往因价格昂贵少有人问津。此次我们为降低成本，采用
简体横排小号字，以满足广大读者的
需要。

ISBN 7-5371-3356-5



9 787537 133562 >

ISBN 7-5371-3356-5/K·74

定价: 498.00 元(全套17册)

中华史书精典系列

K204.1

P

19
●
清史稿

简体横排标点本

二十五史

(全本)

新疆青少年出版社

责任编辑：王力行 高修俊 张奋成
封面设计：云 青

中华史书精典系列
(简体横排标点本)
二十五史

新疆青少年出版社出版发行
(乌鲁木齐市胜利路 100 号 邮编：830001)
各地新华书店经销 郑州文华印刷厂印刷
850×1168 毫米 32 开 580 印张 60000 千字
1999 年 6 月第 1 版 1999 年 6 月第 1 次印刷
印数：1-5000

ISBN 7-5371-3356-5/K·74

定价：498.00 元 (全套 17 册)

如有印装问题请直接同承印厂调换

格类，大妃乌拉纳喇氏生阿济格、睿亲王多尔衮、豫亲王多铎、侧妃伊尔根觉罗氏生饶余郡王阿巴泰，庶妃兆佳氏生镇国公阿拜，庶妃钮祜禄氏生镇国公车浑古代、镇国公塔拜，庶妃嘉穆瑚觉罗氏生镇国公巴布泰、镇国公将军巴布海，庶妃西林觉罗氏生辅国公赖布，而费扬古不详所自出。

广略贝勒褚英，太祖第一子。岁戌戌，太祖命伐安楚拉库路，取恩泰二十以归。赐号洪巴图鲁，封贝勒。岁丁未，偕贝勒舒尔哈齐、代善徒瓦喀部董悠城新附之众。军夜行，阴晦，有光，舒尔哈齐疑不吉，欲班师，褚英与代善持不可。抵董悠城，收其屯寨五百户，令恩尔汉卫以先行，乌喇贝勒布占泰以万人邀之路。恩尔汉所部止二百人，褚英、代善策马逾之曰：“上每征伐，皆以寡击众，今日何惧？且布占泰降虏耳，乃不能复缚之耶？”众皆奋，因分两路夹击，敌大败，得其将常柱、瑚里布，斩三千级，获马五千、甲三千。师还，上嘉其勇，赐号曰阿尔哈图土门，译言“广略”。岁戊申三月，偕贝勒阿敏伐乌喇，克宜罕山城。布占泰与蒙古科尔沁贝勒翁阿岱合兵出乌喇二十里，望见我军，知不可敌，乃请盟。褚英屡有功，上委以政。不恤众，诸弟及群臣皆干于上，上浸疏之。褚英意不自得，焚表告天自诉，乃坐咀咒，幽禁，是岁卒。越二年乙卯阴八月，死于禁所，年三十六。明人以为上母弟，作旨被诬。褚英死之明年，太祖称尊号。褚英子三，有爵者二：杜度、尼堪。

安平贝勒杜度，褚英第一子。初授台吉。天命九年，喀尔喀巴约特部台吉恩格德尔请内附，杜度以贝勒代善迎以归，封贝勒。天聪元年，从贝勒阿敏、岳托等伐朝鲜，朝鲜国王李倬清和，诸贝勒许之。阿敏欲仍攻上京，岳托持不可；阿敏引杜度欲与留屯，杜度亦不可；卒定盟而还。三年十一月，从上伐明，薄明都，敕明援兵。又偕贝勒阿巴泰等略通州，焚其舟，至张家湾。十二月，师还，至薊州，明兵五千自山海关来援。与代善亲临阵，伪足，犹力战，歼其众，驻遵化。四年正月，明兵来攻，败之，斩其副将，获骏马以千计。

七年，明将孔有德、耿仲明降，偕贝勒济尔哈朗、阿济格赴镇江迎以归。诏问伐明及朝鲜，察哈尔三者何先，杜度言：“朝鲜在掌握，可缓；察哈尔逼则征之；若尚远，宜取大同边地，秣马乘机深入。”八年，军海州。杜度元年，进封安平贝勒。海州河口守将伊勒慎报明将遣巨舰自余截辽河，命杜度济师，明兵却，乃还。是冬，上伐朝鲜，杜度护辎后行，略皮岛、云从岛、大花岛、铁山。二年二月，次临津江。前日冰解，夕大雨雪，冰复合，师毕渡。上闻之曰：“天意也！”从睿亲王多尔衮取江华岛，败其水师，遂克之。三年，多尔衮将左翼、岳托将有翼伐明，杜度为岳托副。师进越密云东塘子岭，明兵迎战，击败之。进攻墙子岭堡，分军破黑峪、古北口、黄崖口、马兰峪。岳托薨于军，杜度总军事。会多尔衮军于通州河间，越明都至涿州，西抵山南，南抵济南，克城二十，降其二。凡六十战皆捷，总督以下官百余，俘二十余万。还，出青山口，自太平寨卒临行。四年四月，师还，赐银二、马二、银五千，命掌礼部事。略锦州、宁远。五年，代济尔哈朗于义州屯田，刘锦棠未，遇明兵，败之，克锦州台九、小凌河州二。明总督洪承畴以兵四万营杏山城外，偕豪格击败之，追薄壕而还，又歼运粮兵三百。往锦州诱明兵出战，复击败之，获大凌河海口船，追斩敌之犯义州者。冬，再围锦州。六年，攻广宁，败松山、锦州援兵。以多尔衮离城远驻，遣军私还，刻削爵，诏罚银二。复围锦州，敕明兵于松山。是秋，复从上伐明，留攻锦州。七年六月，薨。病松时，诸王贝勒方集议恭殿出征功罪，上闻之，为罢朝。丧还，遣大臣迎奠。雍正二年，立碑旌其功。

杜度子七，有爵者五：杜尔祜、穆尔祜、特儿祜、

努努、萨弼。

恣厚贝勒杜尔祜，杜度第一子。初封辅国公。从太宗围松山，锦州有功。坐事，降袭镇国公。复以甲喇额真拜山等首倡怨望，削爵，黜宗室。顺治元年，从多铎南征。二年，复宗室，封辅国公。叙功，赐金五十、银二千。五年，从济尔哈朗徇湖广。六年，败敌水兴、次辰州。进剿广西，定全州。七年，赐银六百。八年，进贝勒。十二年二月，卒，予谥。子敦达，袭贝子，谥恪恭。子孙遵降，以辅国公世袭。敦达八世孙光裕，袭镇国公。光绪二十六年，德意志等国兵入京师，死难，赠贝子衔，谥勤愍。

贝子穆尔祜，杜度第二子。天聪九年，师伐明，穆尔祜从贝勒多铎率偏师入宁远。锦州缒明师，抵大凌河，击斩明将刘应选，遁奔至松山，获马二百，克台一，并有功。崇德元年，封辅国公。七年十月，与杜尔祜同得罪。顺治元年，从多铎南征，被击自成潼关，先后拔两营。贼犯我噶布什贤贝，穆尔祜击败之。又设伏山隘，贼自山上下来，败其众。二年，复宗室，封三等镇国公。三年，进一等。从多铎征苏尼特部腾机思等，败之。四年，进辅国公。六年，从尼堪王叛将姜襄，进贝子。复从尼堪王征湖南，赐蟒衣、鞍马、弓矢。至衡州，尼堪战败。十一年，论前罪，削爵。卒，子长源，授镇国公军品级。子孙遵降至云骑尉品级，爵降。

恪僖贝子特儿祜，杜度第三子。崇德四年，封辅国公。六年，从围锦州，敕明兵于松山、杏山间。七年，移师驻塔山，克之。与杜尔祜同得罪。顺治元年，从多尔衮入山海关，破李自成，逐之至京都。复从多铎败自成潼关。二年，复宗室，封辅国公，赐金五十、银二千。六年，进贝子。十五年，卒，予谥。子孙遵降，以奉恩将军世袭。

怀愍贝子萨弼，杜度第七子。杜尔祜得罪，从坐，黜宗室。顺治元年，从多尔衮入山海关，破李自成有功。二年，复宗室，封辅国公。三年，从勒克德浑南征，略荆州，屡破敌。师还，赐金五十、银千。六年，从击叛将姜襄，战荆州，攻壤将姜之芬、孙乾、高奎等，移师宁武，壤将刘伟等降，进贝子。十二年，卒，予谥。子固刚，袭镇国公，谥悼愍。子孙遵降，以镇国公将军世袭。杜度诸子，惟第六子杜尔努文无功。顺治初，封辅国公。卒。康熙三十七年，追封贝子，亦谥怀愍。子苏努，初袭镇国公。崇圣祖，袭进贝勒。雍正二年，坐与廉亲王允祀为敌，削爵，黜宗室。

敬谨亲王尼堪，褚英第三子。天命间，从伐多罗特、董羹诸部，有功。天聪九年，师伐明，从多铎率偏师入锦、宁界，屡破明师。崇德元年，封贝子。上伐朝鲜，从多铎逐朝鲜国王李倬至南山山城，歼其援兵。四年，上伐明，从阿济格等攻塔山、连山。七年，成锦州。顺治元年四月，从多尔衮入山海关，败李自成，复从阿济格追击至京都，进贝勒。复从多铎率师自孟津至陈州，破敌。二年，师讨潼关，自成将刘方亮出迎，尼堪与巴雅喇、章京图赖夹击之，获马三百余。又偕贝子尚善败敌骑，趋归德，定河南，诏慰劳，赐弓一。五月，从多铎克明南都，追获明福王由棖。又攻江阴，力战，克之。师还，赐金二千、银万五千、鞍一、马五阴。

三年，从豪格西征。时贺珍扰汉中，二只虎、孙守法抗兴安，群寇蜂起。尼堪次西安，自棧道进军，珍自鸡头关迎拒，击歼之，疾驰汉中躏其垒，贼走西乡，追击于楚湖，至汉阴，二只虎奔四川，孙守法奔岳家寨。十一月，复从豪格入四川，斩张献忠于西充。与贝子满达海兵分定遵义、夔州、夔州、隆昌、富顺、内江、资阳，四川平。五年，师还。偕阿济格平天津寇，进封敬谨郡王。六年，命为定西大将军，讨叛将姜襄，屡败之。破壤所置巡抚姜襄，其将罗英坛以所部降。多尔衮赴大同招抚姜襄，承制进尼堪亲王。旋自左卫围大同，壤将杨振威等新壤以降，师还。七年，与巽亲王满达海、端

重亲王博洛理六部事。多尔衮遣尚书阿哈尼堪迎朝鲜王弟,阿哈尼堪启尼堪以章京恩国泰代行事,事觉,尼堪坐殉,降郡王。八年,复封宗室。又坐不奏阿济格私蓄兵器,降郡王。寻掌礼部。居数月,再复宗室,掌宗人府事。

孙可望等犯湖南,命为定远大将军,率师讨之。濒行,赐御服、佩刀、鞍马,上亲送至南甯。李定国陷桂通,师向衡州,噶布什贤兵击敌衡山县,败敌兵千八百。尼堪督兵夜进,兼程至衡州。诘旦,师未阵,敌四万余猝至,尼堪督队进击,大破之,逐北二十余里,获象四、马八百有奇。敌设伏林内,中途伏发,师欲退,尼堪曰:“我军击贼无退者。我为宗室,退,何面目归乎?”奋勇直入,敌围之数重,军失道,尼堪督诸将纵横冲击,陷淖中,矢尽,拔刀战,力竭,死于阵。十年,丧归,辍朝三日。命亲王以下郊迎,予谥。是役也,从征诸将皆以陷师论罪。

第二子尼思哈,袭。顺治十六年,追论尼堪取多尔衮身后遗财,及不劾尚书博洛驸马,以阵亡,留爵。十七年,卒,谥曰悼。第一子兰布,袭贝勒。圣祖念尼堪以亲王阵亡,进兰布郡王,仍原号。七年,进亲王。兰布取鳌拜女,八年,鳌拜既得罪,兰布坐降镇国公。十三年,从尚善讨吴三桂于湖南。十七年,卒于军。十九年,追论退缩罪,削爵。子赖士,袭辅国公。乾隆四十三年,高宗以尼堪功著,力战捐躯,进镇国公,世袭。

礼烈亲王代善,太祖第二子。初号贝勒。岁丁未,与舒尔哈齐、褚英徙东海瓦尔喀部斐悠城新附之众,乌拉贝勒布占泰遣其博克多将万人要于路。代善见乌喇兵营山上,分兵缘山奋击,乌喇兵败,代善驰逐博克多,马上左手攫其胄斩之。方害寒,督战益力,乌喇败兵僵卧相属,复得其将常柱、瑚哩布。圣祖还,太祖嘉代善勇敢克敌,赐号古英巴图鲁。岁癸丑,太祖伐乌喇,克逊扎搭、郭多、郭谏三城。布占泰将三万人趣富勒哈城而营,诸将欲战,太祖犹持重,代善曰:“我师远伐,利速战,虑布占泰不出耳。出而不战,将谓之何?”太祖曰:“我岂怯哉?恐尔等有一二被俘,欲计万全。今众志在战,复何犹豫。”因麾兵进,与乌喇步兵相距百步许,代善从太祖临阵奋击,大破之,克其城。乌喇兵溃走,代善追殲过半。布占泰奔叶赫,所属城邑尽降,编户万家。天命元年,封和硕贝勒,以序称大贝勒。太祖始用兵于行,二日,遇雨,太祖欲还,代善曰:“我师既入明境,遽引还,将复与修好乎?师既出,孰能违之?且雨何害,适足以懈敌耳。”太祖从之。夜暴雨霽,昧爽,围抚顺,明将李永芳以城降。东州、玛哈丹二城及台堡五百余俱下。师还,出边二十里,明将张承荫率兵来追。代善偕太宗还战,复入边,破其三营,斩承荫及其裨将颇廷相等。四年,命代善率诸将十六、兵五千,守扎喀关备明。寻引还。

三月,明经略杨镐大举来侵,遣总兵刘挺将四万人出宽甸,杜松将六万人出抚顺,李如柏将六万人出清河,马林将四万人出三岔口。太祖初闻兵分出宽甸、抚顺,以宽甸有备,亲率师西御抚顺明兵。代善将前军,谍复告明兵出清河,代善曰:“清河道狭,且崎岖,不利速行,我当徇其自抚顺来。”过扎喀关,太宗以祀事后至,言界凡方筑城,民应役,宜急卫之。代善引兵自太兰冈越界凡,筑城役屯吉林崖。杜松以二万人来攻,别军阵萨尔浒山。代善与贝勒阿敏、莽古尔泰及诸将议以千人助吉林崖军,使陟山下击,余军张两翼,先趋吉林崖,左当萨尔浒。太祖以,以右翼兵左翼,先趋萨尔浒。明兵出,我兵仰射,不移时破其垒。吉林崖军自山下而,右翼渡河夹击,破明兵,斩松等。马林出三岔口,以三万人军于尚间崖,监军道潘宗颜将万人军于飞芬山,松后部龚念遂、李希泌军于斡谟鄂漠,太

祖督兵攻之。代善将三百骑驰尚间崖,见明兵结方营,掘壕三匝,以火器居前,骑兵继之,严阵而待,遣骑告太祖。太祖已击破念遂等,亲至尚间崖,令于军,皆下马步战。未毕,明兵突至,代善跃马入阵,师奋进,斩获过半。翌日,代善以二十骑先还,扈南路远远。太祖亦还,闻刘挺兵深入,命代善率先士卒军御之。出瓦尔喀什,进已至阿布达哩冈,太宗率右翼陟山,代善率左翼出其西,夹击,明兵大溃,斩挺。镐所遣诸军尽败。七月,从太祖铁岭北,八,太祖伐叶赫。叶赫有二城:金台石居其东,布扬古居其西。师至,太祖攻东城,代善攻西城。东城下,布扬古及其弟布尔杭古乞盟,代善喻而降之。六年三月,从太祖伐明沈阳,率其子岳托战,斩获甚众。复偕莽古尔泰迁金州民于复州。

十一年八月,太祖崩,岳托与其弟萨哈璘偕代善,请奉太宗嗣位,代善曰:“是吾心也!”告诸贝勒定策。太宗辞让再三,代善等请益坚,乃即位。是冬,伐蒙古喀尔喀扎鲁特部,擒贝勒巴克等,斩鄂尔高图,俘所属而归。

天命元年,从太宗围锦州,拒明山海关援兵,薄宁远,破敌,以暑还师。三年,从伐明,入洪山口,克遵化,薄明都,明总兵满桂等赴援,击败之德胜门外,克良乡,又被明兵兵定门内。从上闻蓟州形势,明步兵五千自山海关至,与师遇,不及阵,列车循,枪炮而营,代善率左翼四旗击破之。四年正月,明侍郎刘之纶率兵至乾化,营山上,代善环山围之,破其七营,之纶走入山,射杀之。五年八月,从上围大凌河,收城外台堡。九月,明总兵吴襄、监军道张春等将四万人自锦州至,距大凌河十五里,代善从上将二万人击之,明兵方阵,发枪炮,督骑突入,矢如雨,明兵大败。裹遁,春溃兵复炮。黑云起,风自西来,明兵乘风纵火逼我军。大雨反风,毁其营,明兵死者甚众,师乘之,获春等。春见上不屈,上将诛之,代善谏,乃赦之。

初,太祖命四和硕贝勒分直理政事,每御殿,和硕贝勒皆列坐。至是,礼部参政贝勒龙清定朝会班制。时和硕贝勒阿敏已得罪,莽古尔泰亦以罪降多罗贝勒,诸贝勒议不得列坐。代善曰:“奚独莽古尔泰?上居大位,我亦不当并列。自今请上南面,我与莽古尔泰侍坐于侧,诸贝勒坐于下。”六年四月,从上伐察哈尔,过兴安岭,闻贝勒丹远遁,移师归化城,趋大同,宣府,出塞,与沙河堡,得胜堡、张家口诸守将议和而还。八年五月,从伐明,出榆林关,至宣府边外,分兵自喀喇鄂博克得胜堡,遂自朔州趋马邑,会师大同而还。

崇德元年,封和硕贝勒亲王。冬,从上伐朝鲜。二年,有司论王克朝,违旨以所获粮米饲马及选用护卫溢额,上曰:“朕子兄儿孙王敬爱有加,何不体朕意若是?”又曰:“王等事朕虽致恭敬,朕何所喜?必正身行义以相辅佐,朕始嘉赖焉。”四年十一月,从上猎于叶赫,射獐,马仆,伤足。上下马为裹创,酌金盾劳之,因泣下曰:“朕以兄年高不可驰马,兄奈何不自爱?”罢猎,还,命乘舆行,冒十有余里,护以归。

八年,太宗崩,世祖即位。王集诸王、贝勒、大臣议,以郡亲王济尔哈朗、睿亲王多尔衮辅政。又发贝子硕托、郡王阿达礼私议立睿亲王,下法司,诛之。硕托,王次子;阿达礼,萨哈璘子,王孙也。顺治元年正月朔,命上殿母拜,著为例。二年春,至京师。五年十月,薨,年六十六。赐祭葬,立碑纪功。康熙十年,追谥。乾隆四十四年,改谥太庙。

代善子八,有爵者七:岳托、硕托、萨哈璘、瓦克达、玛占、满达海、枯塞。枯塞,初封镇国公,追封惠顺亲王,而满达海袭爵。

简贤亲王满达海,代善第七子。崇德五年,从围锦州。六年,补辅国公。从肃亲王豪格围松山,破敌,承承赴援,战,所乘马创,蒙格呼曰:“马创矣!亟易马!”明兵大至,力战,殿而还。明总兵吴三桂倚山为

营，满达海合诸军击破之，三桂宵遁。七年，从济尔哈朗克塔山。八年，授都察院承政。顺治元年，从入关，败李自成，进贝子。复从英亲王阿济格逐自成趋绥德。二年，克沿边三城及延安，自成遁朔方，师还。三年，从豪格讨张献忠，自汉中介秦州，降献忠将高如炳。师次西充，击斩献忠，与尼堪分剿余贼。五年，师还。坐徇巴牙喇囊章京希儿根冒功，议罚银，睿亲王多尔袞令免之。六年，袭爵。降将姜壤叛大同，满达海与郡王瓦克达率师讨之，寻授征西大将军。克朔州、马邑、宁武、宁化所、八角堡、静乐县，遂与博洛会师，复汾州。壤诛，大同平。遣兵围平遥、太谷、沁沁，先后克之。屯留、襄垣、榆社、武乡诸县俱下。睿亲王多尔袞令留瓦克达剿余寇，满达海还京师。

八年，世祖亲政，改封号曰巽亲王。诸王分治部落，满达海掌吏部。九年二月，薨，予谥。十六年，追论满达海于奏削多尔袞封爵后，夺其财物；掌吏部，悞谭泰骄纵，未论劾，削谥卹碑，降爵为贝勒。

子常阿岱，初袭亲王。降贝勒。康熙四年，薨，溢怀愍。子星尼，袭贝子，再袭辅国公。星尼子星尼，袭贝子。并坐事夺爵。乾隆四十三年，追录满达海功，镇国海孙福色铿额以辅国将军世袭。常阿岱既降爵，以从弟杰书袭亲王。

康熙亲王杰书，枯塞第三子。初袭封郡王。顺治八年，号曰康。十六年，袭爵，遂改号康亲王。康熙十三年六月，命为奉命大将军，率师讨耿精忠。师至金华、温州、处州已陷。精忠将徐尚朝以五万人犯金华，王令都统巴雅尔、副都统玛哈达迎击，破之。尚朝复来犯，巴雅尔会总兵陈世凯破贼垒积道山，歼二万余，复永福、缙云。精忠将沙有祥踞桃花岭，梗处州道，玛哈达率军击之，有祥溃走。十四年，复处州及仙居。尚朝等寇富平、松阳，展窺处州。都统拉哈达偕诸将御之，破贼于石塘，于石佛岭，于大岭东院隘口上套寨、下五塘诸地。诏宁海将军傅喇塔自黄岩规温州，趣杰书自衢州入，杰书疏言：“处州有警，兵不能骤进。”上谕曰：“王守金华，将及二载，徒以文移往来，不亲统兵剿贼，何自灭？”宜刻期进取。十五年，自金华移师衢州，精忠将何玉五屯太溪拒拒。杰书督诸将力击之，伏起，刃相接。杰书坐古庙侧指挥，囊为火器所穿，卫兵负伤为蔽，杰书谈笑自若，诸军皆踊跃奋击，精忠兵大败，溺水为赤。杰书令偃旗鼓，一日夜行数百里，乘月攻克江山，进向常山，次仙霞关。精忠将金应虎收舟泊隔岸，师不得渡。令循滩西上，视水乱流，涉。精忠兵不战，溃，应虎降。进拔浦城，撤精忠忠诚。师复进，拔建阳，抚定建宁，延平二府。精忠遣其子显庄迎师，杰书承制许以不死，精忠出降。十月，师入福州，精忠请从师讨郑经自贖，入告，诏许之。

锦将许耀以三万人屯乌龙江小门山、真风山，杰书遣拉哈达等击之。疏言：“精忠从师出剿，其弟昭忠、聚忠，宜留一人于福州，辖其属。”又言：“福建制兵已设如额，精忠所率兵不少，左右两镇兵可并裁去。温州总兵祖弘勋、潘下总兵曾养性，宜别除授。”上命昭忠为镇平将军，驻福州，余并如所请。五年，遣兵败精忠叔于浦塘，败邵武。师复进，泰宁、汀州及所属诸县皆下。十六年，拉哈达败精忠于白茅山、太平山，破二十六垒，克兴化，复泉州、漳州。奏入，诏褒杰书功。四年，令拉哈达等率兵与精忠进次潮州，规广东。锦兵陷平和、通海澄，副都统穆赫林等守御越七旬，援不至，与长泰并陷。杰书请罪，诏俟师还议之。锦兵复破同安、惠安，杰书遣军讨复之，并复长泰，破敌于柯厝山、万松关，又遣别将破敌江东桥、石卫寨。十八年，战郭塘，败溪头，破敌故。故犯江东桥，击却之。副都统吉勒塔布败敌鳌头山，沃申克东石城。十九年，抚申定大定、小定、玉洲、石马诸地，克海澄。水师提督万正色克海坛，拉哈达等克厦门、金門，都统费塔克铜山。锦以残

兵还台湾。精忠既降，复有异志，杰书疏请速讨。上令杰书讽精忠请入觐，亦召杰书师还，留八旗兵三千分守福州、泉州、漳州。十月，至京师，上率王大臣卢沟桥迎劳之。二十一年，追论金华顿兵及迟援海澄罪，夺军功，罚俸一年。二十九年，率兵出张家口，屯归化城，备噶尔丹。三十六年闰三月，薨，予谥。

子椿泰，袭。椿泰豁达大度，遇下以宽。善舞六合枪，手法矫捷，敌十数人。四十八年，薨，谥曰悼。

子宗安，袭。雍正间，官都统，掌宗人府。九年，率兵驻归化，备噶尔丹。寻命护抚远大将军印，召还，十一年，薨，谥曰修。杰书子巴尔图，袭。乾隆十八年，薨，年八十，谥曰简。

宗安子永恩，袭。四十三年，复号礼亲王。永恩性宽易而持己严，袭爵垂五十年，淡泊勤儉，出处有恒。嘉庆十年，薨，谥曰恭。

子昭炫，袭。昭炫好学，自号汲修主人，习国故。二十一年，坐陵辱大臣，滥用非刑，夺爵，幽禁。二十二年，命释之。从弟麟趾，袭，父永恩，永恩弟也。亦嗜文学，能诗。追封礼亲王。麟趾，道光元年，薨，谥曰安。孙全龄，袭，父锡春，追封礼亲王。全龄，三十年，薨，谥曰和。

子世铎，袭。同治间，授内大臣、右宗正。光绪十年，恭亲王奕訢罢政，太后溺醇亲王奕譞诸王孰可任，举世铎对。乃命在军机大臣上行走，并诏紧急事件会同奕訢商办。德宗亲政，世铎请解军机大臣，奉太后旨，不许。十九年，命增护卫。二十年，太后万寿，赐亲王双俸，再增护卫。二十六年，上奉太后西巡，世铎不及从，召赴行在，复以病未至。二十七年七月，罢官，授御前大臣。逊位后三年，薨，谥曰恪。子诚厚，袭。薨，谥曰敦。

克勤郡王岳托，代善第一子。初授台吉。天命六年，略喀喇集寨，将还，谍告明军所在，岳托偕台吉德格类击败之。上克沈阳，明总兵李秉诚引退，师从之，至白塔堡。岳托后至，逐北四十里，歼明兵三千余。喀尔喀扎鲁特贝勒勒昂安执使使送叶赫，被杀。八年，岳托台吉阿巴泰讨之，斩昂安及其子。十一年，复从代善伐扎鲁特，斩其部长鄂尔喀图，俘其众。封贝勒。天聪元年，偕贝勒阿敏、济尔哈朗、阿敏、克图、定州、汉山三城。渡嘉山江，克安州，次平壤，其守将弃城走。再进，次中和，逾朝鲜国王李倬降。阿敏欲直攻王京，岳托密与济尔哈朗议驻平壤，再使谕徐。徐愿岁贡方物，岳托谋曰：“吾曹事已集，蒙古与明皆吾敌，设有警，可不为备乎？宜与盟而归。”既盟，告阿敏。阿敏以盟与盟，纵兵掠。岳托曰：“盟成而掠，非义也。”劝之不可。复令徐察觉与盟，乃还师。

从上伐明，又从围宁远，并有功。复败明兵于牛庄。二年，略明边，蹙锦州、杏山、高桥三城。自十三站以东，毁堡二十一，杀守者三十人。师还，上迎劳，赐良马一。三年，略明锦州、宁远，焚其积粟。上伐明，岳托与济尔哈朗率右翼兵夜攻大宁，毁水门，败马兰营援兵于城下。及旦，见明兵营山上，分兵授济尔哈朗击之，岳托驻山下以待。复见明兵自遵化来援，顾济尔哈朗曰：“我当击此。”五战皆捷。寻次顺义，破明总兵满桂等。薄明都，复从代善击败援兵。偕贝勒萨哈璘围永平、克沙河。四年，还守沈阳。五年三月，诏南诏贝勒，曰：“国人怨断狱不公，何以弭之？”岳托奏：“刑罚舛谬，实在臣等。请上擢直臣，近忠良，绝谗佞，行黜陟之典，使诸臣知激劝。”是岁初设六部，命掌兵部事。上攻大凌河，趋广宁，岳托偕贝勒阿济格率兵二万别自义州进，与师会。固山额真叶臣图城西南，岳托为之应。祖大寿请降，以子可法质。可见议诸贝勒，将拜，岳托曰：“战则仇敌，和则弟兄，何拜为？”因问何为死守空城，曰：“畏屠戮耳！”岳托善喻之，遣归。越三日，大寿乃降。上议取锦州，命偕诸贝勒统兵四千，易汉服，偕大

寿作奔奔状,夜袭锦州。会大雾,乃止。

六年正月,岳托奏:“前克辽东、广宁,汉人拒命者诛之,后复屠滦州、永平,是以人怀疑惧。今天与我大凌河,正欲使天下知我善抚民也。臣愚愿以善抚此众,归顺者必多。当先予以室家,出公帑以贍之。倘蒙天眷,奄有其地,仍还其家产,彼必悦服。又各官宜令诸贝勒给庄一区,每牛令取汉男妇二人,牛一头,编为屯,人给二屯。出口之家,各牛录复以官值偿之。至明请往土奔其乡土,穷年戌守,畏我诛戮。今嘉义归降,善为抚恤,毋令失所,则人心附,大业成矣。”疏入,上嘉纳之。寻借济尔哈朗等略察哈尔部,至归化城,俘获以千计。又借贝勒德格类行略地,自耀州至盖州南。七年,又借德格类等攻旅顺口,留兵驻守。师还,上郊劳,以金帛酌酒赐之。八年,上阅兵沈阳,岳托率满洲、蒙古十一旗兵,列阵二十里许,军容整肃,上嘉之。从上古察哈尔,有疾先还。九年,略明图西,岳托复以病留归化城。土默特部来告,博硕克图汗子俄木布遣人偕阿鲁喀尔喀等使使者至,谋谋杀我。岳托伏兵邀之,擒明使者,令土默特捕斩阿鲁喀尔喀匪马脱者。部分土默特壮丁,立队伍,授条约。寻与诸贝勒会师,借还。

崇德元年四月,封成亲王。八月,坐御庇莽古尔泰、硕托,及离间济尔哈朗、豪格,论死,上宽之,降贝勒,罢兵部。未几,复命摄部事。二年八月,上命两翼较射,岳托言不能执弓,上勉之再三,始引弓,弓堕地者五,乃拂去。诸王论岳托骄傲,当死,上再宽之,降贝子,罚银五千。三年,复贝勒。从上古喀尔喀,至博硕堆,知扎萨克图汗已出走,乃还。八年,伐明,授岳托扬武大將軍,贝勒杜度副之,统右翼军;统左翼者睿亲王多尔衮也。至墙子岭,明兵入堡,外为三寨,我师克之。堡坚不易拔,用俘卒言岭东西有间道,分兵攻其前,缀明师,潜从间道逾岭入,克台十有一。师深入,徇山东,下济南,岳托薨于军。四年,多尔衮奏捷,无岳托名。上惊问,始闻丧,大恸,辍膳,命母使礼亲王知。丧还,上至沙岭遥奠;还宫,辍朝三日。诏封为克勤郡王,赐驼五、马二、银万两。康熙二十七年,立碑纪功。乾隆四十三年,配享太庙。

岳托子七,有爵者五:罗洛浑、喀尔楚浑、巴尔楚浑、巴思哈、枯里布。巴尔楚浑、枯里布并恩封贝勒,巴尔楚浑谥和惠,枯里布谥刚毅。

衍禧介弟王罗洛浑,岳托第一子。初袭贝勒。崇德五年,迎蒙古多罗多罗苏班份、阿尔巴岱于杏山,遇明兵,搏战破之,赐御膳良马一。寻围锦州。复从伐明,克松山,赐蟒缎。旋坐,坐嗜酒妄议,敏惠恭和元妃丧不辍丝竹,削爵。旋复封,命济尔哈朗、多尔衮成命之。顺治元年,从定京师,进讨博罗王。三年,借肃亲王豪格讨伐,薨于军。康熙间,追谥。

子罗科浑,袭。八年,改封号曰平郡王。十五年,从信郡王多尼徇云南,屡破明将李定国、白文选。十六年,赐蟒衣、马刀、鞍马,旌其劳。康熙二十一年,薨,谥曰壮。子纳尔图,袭。二十六年,以殿翼无罪人及折人手足,削爵。弟纳尔福,袭。四十年,薨,谥曰壮。子纳尔苏,袭。五十七年,从抚远大将军允禔收西藏,驻博罗和硕,移移古木。六十年,摄大将军事。雍正元年,还京。四年,坐贪婪,削爵。子福彭,袭。

平敏郡王福彭既袭爵,授右宗正,署都统。十一年,命军机处行走。授定边大将军,率师讨噶尔丹策零。师次乌里雅苏台,奏言:“行军,驼马为先。今喀尔喀扎萨克贝勒等远献驼马,力请停偃。彼不私其所有,而宗室王、公、贝勒皆有马,岂不内愧于心。臣有马五百,愿送军前备用。”十二年,率将军傅尔丹赴科布多护北路诸军。寻召还。十三年,复命率师驻鄂尔坤,筑城额尔德尼昭之北。寻以庆复代,召还。乾隆初,历正白、正黄二旗满洲都统。十三年,薨,谥。

子庆宁,袭。十五年,薨,谥曰僖。无子。以纳尔

苏孙庆恒袭,授右宗正。坐旗员冒借官银,降贝子。四十年,复王爵。四十二年,复号克勤郡王。四十四年,薨,谥曰良。以讷尔图孙雅朗阿袭。五十九年,薨,谥曰庄。子恒谨,袭。嘉庆四年,以不避星而乘舆,夺爵。以弟恒元子尚格袭。恒元追封克勤郡王。尚格,道光四年以病乞休,十三年,薨,谥曰简。子承祜,袭,十九年,薨,谥曰恪。

子庆惠,袭。咸丰八年,授正黄旗汉军都统。十年,上幸热河,命留京办事。英国兵僧圆明园,其将巴夏礼先为我师所擒,庆惠释之,疏请恭亲王奕訢入城议抚。十一年,薨,谥曰敬。子晋祺,袭。历左宗人、右宗正、都统,领侍卫内大臣。德宗大婚,加亲王衔。孝钦皇后万寿,赐四团龙补服,并岁加银二千。二十六年,薨,谥曰懿。子崧杰,袭,宣统二年,薨,谥曰顺。子晏森,袭。

显荣贝勒喀尔楚浑,岳托第三子。顺治元年,从多尔衮击李自成于山海关。二年,封镇国公。三年,从豪格讨张献忠,借贝子满达海率师进剿。献忠将高如珩等率众降,豪格歼献忠,喀尔楚浑在事有功。五年,授都统。六年,从尼堪讨叛将姜瓖,围宁武,破敌,进贝勒。八年,摄理藩院事。卒,子溢显荣。子克宾,方一岁,袭爵,历七十二年卒,年七十二。子鲁宾,初封贝子。事圣祖,授左宗正。从征噶尔丹,累宗正。雍正元年,袭爵。四年,坐狂悖,削爵。复封辅国公。乾隆八年,卒,年七十四,谥恪思。子孙以奉恩将军世袭。

镇国公将品级巴思哈,岳托第五子。崇德四年,封镇国公。顺治六年,进贝勒。九年,从尼堪征湖南,赐蟒衣、鞍马、弓矢。尼堪战死衡州,屯齐代为定远大将军,巴思哈与合军自永州趋宝庆,败贼周家坡。十一年,追论尼堪战绩失援罪,削爵。十二年,授都统。寻授镇国公品级。十五年,从多尼下云南。师次贵州,破敌。十六年,薄云南会城,同贝勒尚善克镇南州王龙关、永昌府腾越州,赐蟒袍、鞍马。十七年,师还。追议在永昌纵兵扰民,降镇国公将品级。十八年,卒。

硕托,代善第二子。初授台吉。天命六年,从伐明,攻奉集堡。十年,借贝勒莽古尔泰援科尔沁。十一年,从代善伐喀尔喀巴林部,又伐扎鲁特部,皆有功,授贝勒。天聪元年,从贝勒阿敏等伐朝鲜。又从上伐大凌河,围锦州。四年,师克永平,借阿敏驻守。阿敏引还,硕托坐削爵。五年,从代善伐锦州,明兵克阿济格营,硕托力战,伤于股,上亲酌金疮药之。明兵趋大凌河,硕托击败张春,复伤于手。叙劳,赐采缎十、布百。八年,从代善自喀喇鄂博攻得胜堡,克之。又击败朔州骑兵。借萨哈喀琅代台,拔峰县,分克原平驛。寻封贝子。崇德元年,从伐朝鲜,围南汉山城,败援兵二万余。二年,借阿济格攻克皮岛。三年,借济尔哈朗攻守宁远,坐督上越分,降辅国公。借阿济格伐明,俘获无算,论功,赐驼、马各一。五年六月,从多尔衮围锦州。坐离城久驻,又遣卒私归,议削爵。上让之曰:“尔罪多矣!朕屡宥,尔屡犯,若不关己者。后当任法司治之,不汝有也!”改罚银千。寻复封贝子。太宗崩,硕托与阿达礼谋立睿亲王多尔衮,遣使,黜宗室。

颖毅亲王萨哈璘,代善第三子。初授台吉。天命十年,察哈林汗攻科尔沁,萨哈璘将精骑五千赴援,解其围。十一年,从代善伐喀尔喀巴林部,又伐扎鲁特部,皆有功,授贝勒。天聪元年,上伐明,率巴雅喇精骑为前队。上自大凌河至锦州,明兵走,萨哈璘追击歼之。复率偏师兀塔山粮运,败明兵二万人。克宁远,击明总兵满桂,萨哈璘力战,被创。三年,上伐明,次波罗河屯。代善等密请班师,上不听。萨哈璘与岳托力赞进取,由是克遵化,薄明都。十二月,萨哈璘略通州,焚其舟,次张家湾。复围永平,克香河。四年,永平既下,萨哈璘与济尔哈朗驻守。永平人李春旺诬言将屠城,斩以徇。旋谕降迁安、滦州、建昌、台头营、鞍山堡

诸地。明兵自乐亭、抚宁攻滦州，萨哈璘率军赴援，明兵引退。贝勒阿敏来归，乃还师。

五年，诏诸贝勒指陈时政，萨哈璘言：“图治在人。人主苟知邪正，则臣下争尚名节，惟皇上慎简庶僚，任以政事。遇大征伐，上亲在行间，诸臣皆策万略。若遣军，宜选贤能者为帅，给符节，异其朝，仍限某官以下千军令，许军法从事。”初设六部，掌礼部事。六年，略归化城，俘蒙古千余。指授蒙古诸贝勒牧地，申约法。七年六月，诏问明及察哈尔、朝鲜三者何先，萨哈璘言：“当宽朝鲜，拒察哈尔，而专征明。察哈尔虽不加兵，如虫食穴中，势必自尽。至于明，我少缓，则彼守益固。臣意视今岁秋成图进取，乘彼不稼方熟，因粮于敌，为再进计。量留兵防察哈尔。先以骑兵往来袭击蹂躏，再简精兵一片石入山海关，则宁、锦为无用；或仍自宁、锦入，断北京四路，度地形，据粮足之地。乘机伺便，二三年中，大功集矣。”寻略山海关。八年，偕多尔衮迎降将尚可喜，招抚广鹿、长山二岛，户口三千八百有奇。伐明，萨哈璘自喀喇鄂博攻克得胜堡。略代州，夜袭崞县，拔之。王东、板镇二堡民弃堡遁。复击败代州兵。会上大同，籍俘获以闻。

九年，偕多尔衮、岳托、豪格等收察哈尔林丹汗子额尔克孔果尔额哲，师次托里图，收其全部。师还，岳托驻归化城。萨哈璘偕多尔衮、豪格入明边，略山西。事详《多尔衮传》。诸贝勒大臣屡请上尊号，不许。既收察哈尔，复请，上仍不许。萨哈璘令内院大臣希福等奏曰：“臣等屡请，未蒙鉴允。夙夜悚惶，罔知所措。伏思皇上不受尊号，皆在诸贝勒行不端竭诚忠信，展布嘉猷，为久大计。今诸贝勒善改行竭忠，铺开太平之基，皇上宜受尊号。”上曰：“善。”萨哈璘为朕康，开陈及此，实获我心。诸贝勒应誓与否，尔掌礼部，可自主之。”翌日，萨哈璘集诸贝勒于朝，书誓词以进。上命以众议告朝鲜，萨哈璘因之：诸贝勒亦当遣使，示以各国来附，兵力强盛。”上嘉纳之。

崇德元年正月，萨哈璘有疾，上命希福谕曰：“群子弟中，整理治道，启我所不及，助我所不能，惟尔之赖。尔其静心调摄，以副朕望！”萨哈璘对曰：“蒙皇上温言眷顾，窃冀仰荷恩育，或可得生。即不幸先填沟壑，亦复何憾。但大勋垂集，不能尽力国家，乃辍转床席，为可恨耳！”希福还奏，上侧然曰：“国家岂有专事甲兵以为治理者？倘疆土日辟，克成大业，而明哲先萎，孰能助朕为理乎？”病革，屡临视，见其羸瘠，泪下，萨哈璘亦悲痛不自胜。五月，卒。上震悼，入哭者四，自辰至午乃还。仍于庭中设寝帐，不御饮食，辍朝三日。祭时，上亲奠，痛哭。诏褒萨哈璘明达敏赡，通满、汉、蒙古文义，多所赞助，追封亲王。上御翔凤楼，偶假寐，梦人请曰：“亲亲王乞赐牛一。”故事，亲王薨，初祭以牛。萨哈璘以追封，未用，上命致祭如礼。康熙十年，追谥。

萨哈璘子三：阿达礼、勒克德浑、杜兰。杜兰，恩封贝勒，坐事，降镇国公。

阿达礼，萨哈璘第一子。袭郡王。崇德三年，从伐喀尔喀。五年五月，偕济尔哈朗驻义州，迎来归蒙古多罗特部，明锦州杏山、松山兵出拒，击败之。师还，略御威良马。六年，围锦州，降城中蒙古台吉诺木齐、阿巴什等，败明援兵于锦州南山西冈。明兵复自松山沿海进援，我兵薄城下，击歼其众。围松山，明兵来犯，击败之，斩千四百余级。七年，明将夏承德内应，夜半，我车梯登，遂克松山。叙功，赐鞍马一，蟒缎九十。寻管礼部，与议政。先是，上御驾恭陵，王以下皆侍立；硕托奏定制仪，上御殿及赐宴，亲王以下皆跪迎，上升阶方起，驾还清宁宫亦如之。贝勒阿巴泰伐明薊州，偕多铎屯宁远明师。八年，太宗崩，坐与硕托谋杀定睿亲王，遣死。

顺承恭惠郡王勒克德浑，萨哈璘第二子。阿达礼

遣死，缘坐，黜宗室。顺治元年，复宗室，封贝勒。二年，命为平南大将军，代豫亲王多铎驻江宁。时明鲁王以海据浙东称监国，其大学士王士英等率兵渡钱塘江窥杭州，勒克德浑遣兵击却之。复遣梅勒额真珠玛喇击士英余杭，和托击明总兵方国安富阳，两军合营杭州城三十里外。士英、国安复兵奔渡江，又为梅勒额真珠席所败，溺死者无算。十一月，明唐王李键所置湖广总督何腾蛟招李自成余部，分据诸府县，奉勒克德浑镇国将军巩阿岱率师讨之。三年正月，师次武昌，遣护军统领博尔辉等督兵进击，战临湘，歼敌千余。次岳州，降明将黑运昌。至石首，故渡江犯荆州，遣尚书觉罗郎球等以偏师出南岸，伺敌渡，狙击之。师乘夜疾驰，诘旦抵城下，分两翼夹攻，大破之，斩获甚众。薄暮，郎球等亦尽夺舟以归。翌日，分遣奉国将军巴布泰等逐敌，自安远、南漳、喜峰山、夹岭至襄阳，击斩殆尽。次襄陵，自成弟夜及诸将田见秀、张嗣、李佑、阮汝义等率步兵五千，诣军前降，获马、骡、牛万二千余。捷闻，优诏班师，赐金百、银二千。五年九月，进封顺承郡王。寻偕郑亲王济尔哈朗督兵攻湘潭，拔之，擒腾蛟。移师入广西，攻全州。破赵廉，克永安关。逐土寇曹杠子，又败之于道州。七年，师还，赐金五十、银五千。八年，掌刑部事。九年三月，薨。康熙十年，追谥。

子勒勒锦，袭。康熙十一年，掌宗人府事。十二年，吴三桂反，命为宁靖寇大将军，率师讨之。十三年，驻荆州。三桂兵陷阳州、常德，分兵抵巴东、逼襄阳，遣都统鄂内率兵防守。三月，三桂将刘之复率舟师犯彝陵，夹江立五营，遣护军统领额司泰等水陆并击，大败之。四月，三桂将陶继智自宜都来犯，又败之。七月，败三桂将吴应麒等。十四年五月，三桂兵犯均州，遣都统依里布击之。六月，叛将杨来嘉来犯，列阵山麓，上命山下断我师道，师击之，斩三千余级。疏言：“敌逼彝陵，兵众舟多，请益战舰以断水道。”上从之。七月，三桂将王会等合来嘉犯南漳，遣伊里布与总督毓毓来会师讨之。八月，疏言：“贼立垒扼险，骑兵不能冲突。当简绿旗步兵，造轻箭宿车、炮车并进，填壕发炮，继以满洲兵，庶可灭贼。”上复从之。十月，复兴山。十二月，请发禁旅监师，上责其延延。十五年，自荆州渡江，破敌于文村，斩首，复战太平街，师败绩，退保荆州。九月，遣副都统塞格复郧西。十八年，设镇征四营，辖新增兵万二千。

三桂既死，复渡江克松滋、枝江、宜都及澧州，进取常德，故焚庐舍，舟舰先遣，所置巡抚李德阳，按察院陈宝树等降。遣兵至青石渡，吴世璠将潘龙迎战。师左右夹击，追至平桥铺，斩贼无算，故堕崖死者甚众。复衡山。攻归州，败世璠将廖进忠于马黄山，追至西壤，复归州、巴东。十九年，迁趣取重庆。疏请留将军噶尔汉于荆州，率师赴重庆。中途引还，具疏自劾，请解大将军任，赴沅州军自效，上责令还京师。下吏议，以老师糜饷，坐失战机，削爵。子勒勒兵，袭。二十一年，薨。弟扬奇，袭。二十六年，薨。弟克保，袭。三十七年，薨。弟穆巴，袭。五十四年，坐以御赐鞍马给仇人，削爵。以父诺罗布袭。

诺罗布，勒克德浑第三子。初授头等侍卫。累官至杭州将军。袭爵。五十六年，薨，谥曰忠。子锡保，嗣。雍正三年，掌宗人府事，在内廷行走。四年，谕曰：“顺承郡王锡保才具优长，乃国家实心效力之贤王，可给与亲王俸。”授都统。后贝勒勒延信罪不举劾，又建治迟误，夺亲王俸，降左宗正。七年三月，师讨噶尔丹策零，命锡保署振武将军印，驻军察尔巴。九年，上以锡保治军勤劳，进封额亲王，命守察罕爱尔。噶尔丹策零遣其将大策零敦多卜、小策零敦多卜、多尔济丹巴入犯科布多，次克喀纳，侵掠喀尔喀游牧。蒙古亲王策策等合师邀击，遣台吉巴夜入大策零敦多卜营挑战，击斩其将喀喇巴图鲁、大策零敦多卜等自哈布

塔克拜达克遁归。锡保疏报,得旨嘉奖。十一月,授靖远大将军。十年七月,策梭等败故额尔德尼昭。十一年,疏请城乌里雅苏台,从之。寻以噶尔丹策零兵越克尔森齐老,不赴援,罢大将军,削爵。

子熙良,初封世子。以锡保罪,并夺。寻命袭郡王。乾隆九年,薨,谥曰恪。子泰斐英阿,袭。授都统、左宗正。二十一年,薨,谥曰恭。子恒昌,袭。四十三年,薨,谥曰慎。子伦柱,袭。道光三年,薨,谥曰简。子春山,袭。咸丰四年,薨,谥曰勤。子庆恩,袭。穆宗大婚,赐三眼孔雀翎。光绪七年,薨,谥曰敏。子訥勒赫,袭。德宗大婚,赐食全俸。孝钦皇后万寿,岁加银二千。逊位后,薨,谥曰质。

谦襄郡王瓦克达,代善第四子。天聪元年,师攻宁远,击败明总兵满桂,瓦克达力战,被创。崇德五年,从多尔袞围锦州,敌兵樵采,瓦克达以十余骑击斩之。六年,洪承畴以十三万人援锦州,次松山,敌骑来夺我红衣炮,瓦克达偕满达海战却之。天雨,复战,又败之。进击承畴步兵,噶布什贤什费雅思哈失马,瓦克达与累骑而出。甲喇章京哈宁阿坠马,创甚,敌围之数重,瓦克达入其阵,挈以归。硕托遽死,缘坐,黜宗室。

顺治元年,从多尔袞入山海关,追击李自成至庆都。复从阿济格自边外趋绥德。二年,自成遁湖广,蹙至安陆。贼方乘船遁,瓦克达偕巴牙喇章京鳌拜涉水登岸,射殪贼众,夺其船以济大军。三年,叙功,复宗室,授三等镇国将军。从多铎剿苏尼特部腾机思、腾机特等,至图拉河,斩腾机思孙三、腾机特子二,及喀尔喀台吉十一,并获其辎重。至布尔哈图山,复与贝子博和托合军,进斩千余级,俘八百余人,获驼、马、牛、羊无算。又击败喀尔喀土谢图汗兵。四年,进封镇国公。

五年,上念宗室贫乏,瓦克达赐银六千,进封郡王。喀尔喀部二楚虎尔杭边,从阿济格防大同。复从讨叛将姜瓖,围浑源。六年,偕满达海攻朔州,发炮轰其城。移攻宁武,瓖将刘伟、赵梦龙守焉,纵火,弃城走。瓖将杨振威、阮肇降阿济格,伟、梦龙亦降于瓦克达。静乐及宁化所、八角堡诸寨悉平。十月,代满达海为征西大将军,剿山西余寇。明大学士李建泰既降,复叛,蹙太平。围之二十余日,穷蹙,出降。诏诛建泰及其兄弟子侄,籍家产入官。连复平阳属县三十六。七年,师还。八年,加封号,掌工部,预议政。九年,坐事,解部任,罢议政。薨。康熙十年,追谥。

瓦克达尝驻军平阳,戢军安民。既薨,平阳人建祠以祀。薨之明年,授其子留雍、哈尔萨三等奉国将军品级。康熙六年,留雍、哈尔萨诉瓦克达功多,授哈尔萨镇国公,留雍镇国将军。八年,留雍复以己爵卑,讼不平。议政王等言前爵赏缘辅政所得,宜并黜革,上命并降奉国将军品级。二十一年,哈尔萨复诉瓦克达爵乃功封,例得袭。命袭镇国公,并封其子海青辅国公。哈尔萨墓迁右宗正。二十五年,诏责其钻营,与海青并夺爵。又以留雍袭镇国公。三十七年,复以情,夺爵。乾隆四十三年,高宗录瓦克达功,命其四世孙洞福以镇国将军世袭。

辅国公玛占,代善第六子。天聪九年,多铎自广宁入宁远、锦州,绥明师,玛占在事有功。崇德元年,从阿济格入长城,至安州,克十二城。师还,上郊劳,赐酒一金卮,封辅国公。三年,从岳托自墙子岭毁边城,入密云,连克台堡,越燕京趋山东,卒于军。四年,丧归,赐银二千、驼马各一。无子,未立后。

清史稿第二百十七卷

列传四

诸王三

太祖诸子二 镇国勤敏公阿拜
镇国克洁将军汤古代

子镇国公聂克塞 莽古尔泰

辅国恣厚将军塔拜

饶余敏郡王阿巴泰

子安和亲王岳乐

温良贝子博和托

博洛 博和托子贝子彰泰

阿巴泰孙悼愍 贝子苏布图

镇国恪僖公巴布泰 德格类

巴布海 阿济格

辅国介直公赖慕布

镇国勤敏公阿拜,太祖第三子。天命十年,偕塔拜、巴布泰伐东海北路呼尔哈部,俘千五百户,还。太祖出城迎劳,授生录章京。天聪八年,授梅勒额真。崇德三年,授吏部承政。四年,封三等镇国将军。六年,驻防锦州。八年,以老,罢承政。顺治四年,进二等。五年二月,卒。十年,追封谥。

阿拜子有爵者三:巩安,袭三等镇国将军,进辅国公;干图、灏善封辅国公,干图谥介直。巩安、灏善之后,皆以奉恩将军世袭。

镇国克洁将军汤古代,太祖第四子。事太宗,授固山额真。取永平四城,汤古代偕图尔格、纳穆赛守滦州。天聪四年,明兵攻滦州急,贝勒阿敏怯不敢援,遣巴都礼率数百人突围进,夜三鼓,入滦州。既,明兵以炮坏城,城楼火,汤古代等弃城奔永平。既还,太宗廷诘之,汤古代引罪请死。太宗曰:“汝不能全师而归,杀汝何益?”下所司论罪,免死,罢固山额真,夺所属人口,籍其家。八年,授三等梅勒章京。崇德四年,封三等镇国将军。五年,卒。

子二:穆尔察,初封三等奉国将军,袭爵,进二等。卒,谥恪恭。最克塞,袭穆尔察三等奉国将军。从多铎略宁远,从多尔袞定京师,逐李自成至庆都,皆有功,累进镇国公。坐事降三等镇国将军。康熙四年,卒。无子,爵除。

莽古尔泰,太祖第五子。岁壬子,从太祖伐乌喇,克六城,莽古尔泰请渡水击之。太祖曰:“止!无仆何以为主?无民何以为君?我且削之。”遂毁六城,移军富

勒哈河。越日，于乌喇河建木城，留兵千守焉。天命元年，授和硕贝勒，以序称三贝勒。四年，明经略杨镐遣总兵杜松以六万人出抚顺关，刘挺以四万人出宽甸。莽古尔泰从太祖御松界凡，伏兵萨尔浒谷口，伺明兵过将半击之。我军据吉林崖，明兵背萨尔浒山，复偕贝勒代善等以千人益吉林崖，而台师攻萨尔浒，大破之，松战死。又从太祖还军击斩艇。八月，伐叶赫。五年，太祖伐明，略懿路，清河，令莽古尔泰以所部逐败，率健锐百人追击明兵，至浑河乃还。六年，镇守将陈良策叛投毛文龙，莽古尔泰偕代善进金州民复州。十年，攻克旅顺口。察哈尔林丹汗侵科尔沁部，围克勒珠尔根城，莽古尔泰赴援，至衣安塔，林丹汗遁。十一年，太祖伐喀尔喀巴林部，先命诸贝勒勒喀拉穆穆，皆以马乏不能进；莽古尔泰独领兵渡激石，俘获无算。

天聪元年，攻明右屯卫，又以偏师卫塔山粮运。三年，从太宗征明，阿巴泰自龙井关入，攻汉儿庄。莽古尔泰偕多尔袞、多铎为继，降其城，旋命降潘家口守将。上克洪山口，逼遵化。莽古尔泰自汉儿庄合军击败明总兵赵率教，擒其副将戴调元。师进次通州，薄明都，明诸道兵入援。莽古尔泰遣巴牙喇兵前行，与多铎战，明溃卒来犯，击歼之。从上围薊州，破山海关援兵。四年二月，克永平，遵化。还，与明兵遇，败之。

五年，从围大凌河，正蓝旗围其南，莽古尔泰与德格类夹巴牙喇兵策应。明总兵吴襄、监军道张春赴援，距城十五里而营。莽古尔泰从山上击之，获春等。当围大凌河时，莽古尔泰以所部兵被创，言于上。上偶诘之曰：“闻尔所部兵每有违误。”莽古尔泰悲曰：“宁有是耶？”曰：“若告者诬，当治告者；果实，尔所部兵岂得无罪乎？”言已，将起乘马，莽古尔泰曰：“上何独与我为难？我固承顺，乃犹欲杀我耶？”抚佩刀，顿首曰。贝勒德格类，其母弟也。斥其母，拳殴之。莽古尔泰以怒意，抽刀出鞘。左右挥之出，上愠曰：“是固尝弑其母以邀功者！”诸贝勒议莽古尔泰大不敬，夺和硕贝勒，降多罗贝勒，削五牛录，罚银万及甲冑，雕鞍马十，素鞍马二。六年，从伐察哈尔，林丹汗遁。移师牧马，略大漠。十二月，辛，上临览，漏尽三鼓，始还；又于中门设寝以祭，哭之恸，乃入。

九年，莽古尔泰女弟莽古济格格所属喇僧机告莽古尔泰与德格类、莽古济格格盟誓怨望，将危上，以莽古济格格大珰诺木为证。搜得印印六，文曰“大金国皇帝之印”。追夺莽古尔泰爵。莽古济格格及莽古尔泰子额必伦坐，子并黜宗室。

辅国恣厚公塔拜，太祖第七子。天命十年，伐东海北路呼尔哈部有功，授三等甲喇章京。天聪八年，进一等。寻封三等辅国将军。崇德四年九月，卒。顺治十年，追封塔拜子八，有爵者三；额克亲，班布尔善，巴都海。额克亲，崇德元年，从阿济格伐明，遣燕京。明兵自涿州来拒，亲陷降，破之。四年，封三等奉国将军。寻袭爵。五年，从多尔袞攻锦州，复从多铎追击明兵于塔山。六年，上围锦州，败洪承畴兵十三万。移军近松山，掘壕因之。明总兵曹变蛟夜突上营，额克亲偕内大臣锡翰力御，却之。叙功，赐银八千。顺治元年，从多尔袞入山海关，破李自成，有功，累进镇国公。七年，授正白旗满洲固山额真，复进子八。八年，坐附罗什博尔惠治媚诸王造言构衅，削爵，黜宗室。九年，复入宗室，授内大臣。十二年，卒。班布尔善，累进封辅国公。以附驸驸，遭戕。附见《鳌拜传》。巴都海，亦封辅国公，谥恪僖。

饶余敏郡王阿巴泰，太祖第七子。初授台吉。岁辛亥，与费英阿、安费扬古率师伐东海窝集部乌固辰、穆楼二路，俘余人，还。天命八年，偕台吉德格类等伐扎鲁特部，渡辽河，击部长昂安。昂安携妻子引牛

车遁，师从之，昂邦章京达音布战死。阿巴泰继进，斩昂安及其子，俘其众，还。太祖郊劳，并赏从征将士。

太宗即位，封贝勒。阿巴泰语额勒图扬古、达尔汉曰：“战则攘甲冑，猎则佩弓矢，何不得为和硕贝勒？”语闻，上曰：“尔等宜劝之，告朕何为？”天聪元年，察哈尔昂坤杜棱来归，与宴。阿巴泰不出，曰：“我与诸小贝勒同列。蒙古贝勒明安巴克乃位我上，我耻之！”上以语诸贝勒，贝勒代善与诸贝勒共责之曰：“德格类、济尔哈朗、杜度、岳托，硕托早从五大臣议政，尔不预焉。阿济格、多尔袞、多铎，先帝时使领全旗，诸贝勒皆先尔入八分。尔今为贝勒，得六牛录，已逾分矣！乃欲与和硕贝勒抗行，得和硕贝勒，不更将觐觐耶？”阿巴泰引罪，罚甲冑，雕鞍马四，素鞍马八。二年，与岳托、硕托伐锦州，明师退守于远，克城台二十一，毁锦州、杏山、高桥三城，还。三年，从伐明，自喀喇沁波罗河屯行七日，偕阿济格率左翼四旗及蒙古军攻龙井关，夜半克之。明将易爱汉儿庄赴援，击败，击斩之，取其城。会上克洪山口，逼遵化，败明山海关援兵，克之。复趋通州，明总兵满桂、侯世禄屯顺义，阿巴泰偕岳托击走之，获马千余、驼百，顺义亦下。

时袁崇焕、祖大寿以兵二万屯广渠门外，阿巴泰偕莽古尔泰等率师攻之。闻敌伏兵于右，诸贝勒相约入隧必趋右，若出中路，与避敌同。豪格趋右，败伏兵，转战至城壕。阿巴泰出中路，亦破敌，与豪格师会。罢战，诸贝勒议违约罪，阿巴泰当削爵。上曰：“阿巴泰怯，以顾其子，与豪格相失，朕奈何加罪于吾兄？”宥之。徇通州，焚其舟，略张家湾。从上至围州，明兵五千自山海关至，奋击，歼其众。四年，从上围永平，与济尔哈朗、额哲叛将刘兴作。命守永平。明兵攻滦州，偕萨哈麟赴援，明兵引退，代还。五年，初设六部，掌工部事。从上围大凌河，正黄旗围北之西，镶黄旗围北之东，阿巴泰率巴牙喇兵为策应。大寿降，阿巴泰偕德格类、多尔袞、岳托以兵四千易汉装，从大寿夜袭锦州，二更行，炮发不绝声。锦州人闻之，谓凌大河兵逸，争出应之，师纵击，斩贼其众。雾，二军皆失伍，乃引还。七年，筑筑警城，赐御用蟒衣一，紫貂皮八，马一。诏问征明及朝鲜，察哈尔三者何先，阿巴泰请先伐明。八月，略山海关，俘数千人还。上迎劳，贵其不深入。八年，从征宣府，至应州，克灵丘及王家庄。九年，阿巴泰病手痛，上曰：“尔自谓手痛不耐劳苦。不知人身血脉，劳则无滞。惟家居快乐，不涉郊原，手不持弓矢，忽尔劳动，疾病易生。若日以骑射为事，习思此习！凡有统帅之责者，非射自教练，士卒奚由奋？”母尔俞、斯克敌制胜，身不期强而自强矣。”

崇德元年，封饶余贝勒。偕阿济格等伐明，克雕鹗堡、长安岭堡，薄延庆，分兵克定兴、安肃、容城、安州、雄、东安、文安、宝坻、顺义、昌平十城。五十六战皆捷，俘十数万。师还，上出城十里迎劳，酌以金卮。上伐朝鲜，留防噶海城。三年，上伐喀尔喀，阿巴泰与代善留军，筑辽阳都尔弼城，复治盛京至辽河道路，道广十丈，高三尺，浚壕夹之。副多尔袞率师伐明，毁边墙入，越明都都滦州，直抵山后。复东趋临清，克济南。略天津、迁安，出青山关，还。赐马二千，银五千。四年，偕阿济格略锦州，于远。五年，偕多尔袞屯田义州，分兵克锦州城西九台，刘其采；又克小凌河西二台。偕杜度伏兵于远，截明运道，夺米千石。移师败明杏山、松山兵。时大军更番围锦州，阿巴泰屡往还其间。六年，坐从多尔袞去锦州三十里为营及遣士卒还家，论削爵，夺所属户口。诏宽之，罚银二千。寻从上破洪承畴援兵十三万。七年，锦州降，俘济尔哈朗固杏山，克之，还守锦州。叙功，赐蟒级七十。

十月，授奉命大将军伐明，内大臣图尔格副之。自黄崖口入边，败明将白腾蛟等于薊州，破河间、景州。趋赵州，擒斩明鲁王以派等。分徇秦州、登州、青州，莒

州、沂州、南至海州。还略沧州、天津、三河、密云。凡克城八十八，降城六，俘三十六万，得金万二千、银二百二十万有奇。八年五月，师还，上遣济尔哈朗、多尔赛等郊迎三十里，赐银万。顺治元年四月，进郡王。二年，统左右两翼兵镇山东，剿满家洞土寇，寻还。三年，薨。康熙十年，追谥。

阿巴泰子五，有爵者四：尚建、博和托、博洛、岳乐，而岳乐袭爵。

安和亲王岳乐，阿巴泰第四子。初封镇国公。顺治三年，从豪格徇四川，克斩张献忠。六年，封贝勒。八年，袭爵，改号安郡王。九年，掌工部事，与议政。十年，命为宣威大将军，驻归化城，规讨喀尔喀部土谢图汗、车臣汗。寻行成，入贡，乃罢兵。十二年，掌宗人府事。十四年，进亲王。

康熙十三年，吴三桂、耿精忠并反，犯江西。命为定远平寇大将军，率师讨之，自江西规广东，次南昌，遣兵复安福、都昌。十四年，复上高、新昌。克抚州唐埠、七里冈、五桂寨、徐汉，屡破敌，复余干、东乡。诏移师湖南，疏言：“江西为广东咽喉，当江南、湖广之冲，今三十余城皆陷。三桂于醴陵造木城，增伪总兵十余人，兵七万，保三平，固守萍乡诸隘。若撤抚州、饶州，南昌诸路防兵尽赴湖南，则诸路复为贼有。否则，兵势单弱，不能长驱。广东诸路，恐亦多阻。臣欲先平江西，无却顾忧，然后移师。”疏闻，上令速定江西。岳乐督兵攻建昌，精忠将邵连等率数万人迎战长兴乡，击走之，克建昌，并下万年、安仁。师进克广信，再进克饶州，破敌景德镇，复克浮梁、乐平。分兵克宣黄、崇仁、乐安，皆下。并降陈泰和、龙泉、水新、庐陵、永宁及湖广茶陵诸县。师再进，克靖安、贵溪。疏言：“三桂闻臣进取，必固守要害，非绿旗兵无以援，非红衣炮无以攻坚。请令提督赵国祚等率所部从臣进讨，并救发新造西洋炮二十。”又疏言：“精忠将张存遣人献有兵八千屯顺昌，俟大军入闽为应。”诏以简亲王喇布专主福建军事，而趣岳乐赴长沙。

十五年，岳乐师克萍乡，遂薄长沙。疏言：“敌船集长沙城下，我师无船，难以应敌。长沙附近林木颇盛，请先路战舰七艘，仍令督抚委员伐木造船。”如所请。八月，诏曰：“朕闻王复萍乡，直抵长沙，甚为嘉悦。王其善抚百姓，使困苦得纾；即助从者皆朕赤子，当加意招徕。”十六年，遣兵破敌浏阳，斩千余级，克平江。十七年，破敌七家洲。三桂将林兴珠等自湘潭来降。九月，三桂既死，诏趣岳乐进师。岳乐请赴岳州调度诸军。上命大将军察尼规取岳州，而令岳乐仍攻长沙。十八年正月，岳州降。长沙贼亦弃城遁，遂入长沙，遣兵复湘潭。召会喇布克岳州、宝庆，分兵守焉。复与喇布合军攻武冈，破敌宝庆岩溪，斩级数百，获舟四十。师次紫阳河，敌于对岸结营，师径渡，分兵出敌后夹击之，敌溃走。三桂将吴国贵、胡国柱以二万人守隘，发炮烟国贵，夺隘。见三影泰遂致木瓜桥，遂克武冈及枫木岭。诏召岳乐还京，以敕印付彰泰。十九年正月，下诏褒岳乐功。岳乐至京师，上于卢沟桥南二十里行郊劳礼。

顺治初，故明外戚周奎家有自称明太子者，使旧宫人及东宫官属辨视非是。三桂反，京又有朱慈瑞者，自称太子，私改元为德，纠党举火为乱，事败，慈瑞走免。鞠其党，谓其真姓名为杨起隆。及岳乐驻师枫木岭，于福化寺得朱慈瑞，自言为庄烈帝长子，闻难奔南京，新化置诸狱，释为民，从朽木和木为僧，往来木州、宝庆间。以三桂悖逆反覆，将募兵声讨，三桂反，乃止。至是，岳乐携慈瑞来京，诏令慈瑞相见，复不相识，乃斩之。二十年，仍掌宗人府事。二十七年，偕简亲王雅布往苏尼特勒喀尔丹。二十八年二月，薨，子溢。二十九年，贝勒诺尼讷岳乐掌宗人府，听讷，枉坐诺尼不孝罪，追降郡王，削谥。

岳乐子二十，有爵者三：蕴端、玛尔浑、经希。蕴端封勤郡王，坐事降贝子；复坐事夺爵。经希封僖郡王。岳乐得罪，降镇国公，卒，停柩。玛尔浑，袭爵。玛尔浑好学能文章，蕴端亦善诗书。玛尔浑又辑宗室王公诗为《宸尊集》，一时知名士多从之游。四十八年，薨，谥曰懿。子华记，袭。五十八年，薨，谥曰节。雍正元年十二月，诏曰：“襄安郡王岳乐治附辅政大臣，每触忤皇考，蒙恩始终宽宥，而其诸子全不知感恩，倾轧虐求，妄冀封爵。玛尔浑、华记相继夭折，爵位久悬。岳乐诸子厄尔占、诸孙色亨图等，怨望形于辞色。廉亲王允祀又复逞其离间，肆为谗言。安郡王爵不准承袭。”乾隆四十三年，高宗以阿巴泰、岳乐屡著功绩，封华记孙奇昆辅国公，世袭。

温良贝子博和托，阿巴泰第二子。初封辅国公。崇德元年，从征朝鲜，围南汉山城，偕尼堪击走其援兵，斩殄甚众。三年，从伐明，自董家口略明都西南六府，入山西界。移师克济南，师还，赐银二千。七年，从阿巴泰伐明，自黄崖口入。及还，赐银三千。顺治元年，从入关，破李自成，进贝子。三年，从多铎克喀尔喀苏尼特部腾机思、腾机特等。五年九月，卒，子溢。子六，彰泰，袭贝子。

彰泰袭爵，进封。康熙十三年春，吴三桂陷湖南，上命贝勒勒善为大将军，率师下岳州，以彰泰参赞军务。十五年，诏实行师延级。彰泰与勒善议水陆并进，遣额勒和布等破敌洞庭湖，获舟十余。设立桩塞湖缺口阻我师。八月，督兵伐桂，棹轻舟破敌柳林嘴，发炮毁其船。十月，勒善善于军，贝勒察尼代为大将军，授彰泰抚远将军。九月，督兵出南津港。十月，破敌陆石口，屯白米滩，绝三桂兵运道。十八年，三桂将陈珩等以乏食出降，吴应麒走衡州。都统珠满等克湘阴，彰泰克浯阳，石首。会安亲王岳乐反攻长沙，简亲王喇布复衡州，诏彰泰与会师。自衡州进攻武昌，破三桂兵于国贵等。十一月，召岳乐还京，命彰泰代为定远平寇大将军。

十九年，复沅州、靖州，三桂所置绥宁诸将吏及附近土司俱降。疏言：“将军蔡毓荣调遣汉兵，今进取贵州，若不相应，恐碍事机。”诏毓荣军事关白大将军。十月，次镇远，遣兵攻镇远卫关，截其隘，而与毓荣督兵蹙敌垒。所遣兵亦平十向口，破敌大岩门，逐之至偏桥卫，遂复镇远。进下沅县及新添卫，趋贵阳。三桂孙世璠及应麒等俱走还云南。迭克安顺、石阡、都匀、思南诸府。十一月，复永宁，破敌安规铺，逐之至鸡公背山铁索桥，师驻贵阳。诏趣彰泰进规云南。二十年正月，渡盘江，破敌沙子哨，进次腊茄坡，复新兴所，遂北三十里，克普安、沾益。大将军费塔自广西入曲靖，会于嵩明州，合围云南会城，距三十里。世璠将胡国柄、刘起龙等以万余人列象阵拒战。费塔军其右，彰泰军其左，自卯至午，殊死战，破敌阵，斩国柄、起龙等，俘获无算。令诸军分扼南坝、萨石卫、走马街、双塔寺、得胜桥、重关诸地，于是大理、临安、永顺、姚安、武定世璠所置将吏，相继诣军前降。

世璠将马宝、胡国柱等自四川、复国相自广西，还救云南，破敌遣兵迎击，宝次姚安，亦乞降。国柱走鹤庆、丽江，希福克云南州，国柱自经死。国相走广西，李国梁等围之西板桥，国相亦降，与宝同擒世璠。将军赵良栋师自四川至，彰泰偕费塔及良栋等屡破敌南坝、得胜桥、太平桥、走马街诸地。师薄城环攻，世璠自经死，其将何进忠等出降。彰泰成将士毋杀掠，入城安抚，收仓库，戮世璠尸，函首献阙下。云南平。授左宗正。二十一年十月，师还，上慰劳卢沟桥南二十里。

二十二年，议初下岳州迁延罪，以功不坐。赐金二十、银千。二十四年，坐滥举宗人府属官，授左宗正，二十九年正月，卒。子屯珠，袭镇国公。授左宗正，礼部尚书。五十七年，卒。赠贝子，谥恪敏。孙逢信，以

辅国公世袭。

博洛，阿巴泰第三子。天聪九年，从伐明，有功。崇德元年，封贝子。二年，与议政。三年，授理藩院承政。从攻宁远，趋中后所。明将祖大寿弃我军后，巴牙喇章京哈宁阿等与相持，博洛突前奋击，大寿引却。五年，从济尔哈朗迎归蒙古苏班岱，击败明兵，赐良马。寻与诸王更番围锦州。六年，洪承畴以十三万人援锦州，博洛偕阿济格赴之，至塔山，获笨架山积粟；又偕罗洛浑等设伏阿尔寨堡，击败明将王朴、吴三桂。

顺治元年，从入关，破李自成，进贝勒。从多铎征河南。二年，破自成潼关。多铎南征，下江宁，分师之半授博洛，下常州、苏州，趋杭州，屡败明兵。师临钱塘江岸，明兵以江潮方盛，苕苕没，受潮连日不至，明潞王常清以杭州降，淮王常清亦自绍兴降。克嘉兴，徇吴江，破明将吴易，攻江阴亦下。师还，赐金二百、银万五千、鞍马一。三年，命为征南大将军，率师驻杭州。明鲁王以海监国绍兴，明将方国安营钱塘江外，亘二百里。师无舟，会江沙暴涨，固山额真图赖等督兵径涉，国安惊遁，以海走台州。师入绍兴，进克金华，击杀明王盛浓等，再进克衢州、浙江平。明唐王聿键据福建，博洛率师破仙霞关，克浦城、建宁、延平。率军走汀州，遣阿济格、尼堪、努山等率师从之，克汀州，擒聿键及曲阳王盛渡等。明将姜正希以二万人夜来战，击之却，斩万余级。又破故分水关，克崇安。梅勒额真卓布泰等克福州，斩所置巡抚杨廷清等，降其将郑芝龙等二千九十余，人、马步兵十有一万有奇。师复进，下兴化、漳州、泉州府。十一月，遣昂邦章京佟养甲徇广东，克潮州、惠州、广州，击杀明唐王聿鲁及诸王世子十余人，承制以养甲为两广总督。四年，师还，进讨端重郡王。五年，以所获金币、人口赏焉。

偕阿济格略喀尔喀，徇大同，讨叛将姜瓖。六年正月，偕师逼姜援代州，克其郭。三月，瓖将马得胜以五千自北山逼我师，博洛率千余骑应之，与巴牙喇章京鳌拜等奋击，大破之，斩瓖过半，瓖因城不敢出。春，亲王多尔衮自京师至军议抚，交城进亲王，命为定西大将军。移师汾州，下清源、交城、文水、徐沟、祁诸县，战平阳、绛州；又遣军克孝义、战寿阳、平遥、辽州、榆次，屡捷。亲王阿济格、勒谨亲王尼堪图大同，巽亲王满达海、谦郡王瓦克达定朔州、宁武。召博洛还京师，疏言：“太原、平阳、汾州所属诸县虽渐次收复，然未下者尚多，恐撤军后，贼乘虚袭扰，请仍留守御。”上从之。瓖既诛，与满达海合军克汾州，复岚、永宁二县，战绛州孟城驿，老君庙诸地，尽歼瓖余党，乃还师。七年，偕满达海、尼堪图理六部事。再坐事，降郡王。世祖亲政，复爵。寻命掌户部。九年三月，薨，谥曰定。

子齐克新，袭。十六年，追论博洛分多尔衮遗财，又掌户部时尚书谭泰逞私擅权，不力阻，夺爵，谥齐克新降贝勒。十八年，卒，谥怀思。无子，爵除。博洛子塔尔纳勒都吉，卒，谥敏思。坐博洛罪，夺爵除。

悼愍贝子苏布图，阿巴泰孙。父尚建，追封贝子，谥贤慈。苏布图初封辅国公。顺治二年，从勒克德浑驻江宁，移师征湖广。三年，从定荆州、襄阳有功，赐金五十、银千，进贝子。五年，复从济尔哈朗徇湖广，卒于军，谥悼愍。子颜颇，封镇国公。齐尔，进子，爵除。苏布图弟强度，封贝子，谥介洁，亦不袭。

镇国恪僖公巴布泰，太祖第九子。天命十年，偕阿拜、塔拜伐东海北路呼尔哈部，有功。十一年，命理正黄旗事。天聪四年，从阿敏驻永平。明兵攻滦州，巴布泰不能御，坐罪。八年，授梅勒额真。从伐明，克保安州。巴布泰匿所获不以闻，复坐罪。崇德六年，授三等奉国将军。顺治元年，从入关，遂李自成至庆都。二年，进一等。三年，从勒克德浑伐湖广，战安远、南漳、西峰口、关王岭、襄阳，屡破敌。四年，进辅国公。六

年，偕务达海讨姜瓖，进镇国公。十二年正月，卒，子谥。子噶布喇，封辅国公；枯褐禄、袭三等镇国将军。其后并以奉恩将军世袭。

德格类，太祖第十子。初授台吉。天命六年，师略奉集堡，将还，有一卒指明兵所在，德格类偕岳托、硕托进击之，击败明将李秉斌。复偕台吉慕素、古兰三岔河桥，至海州，城中官民张乐昇奥迎德格类等，令军士毋扰民，毋夺财物，毋宿城上，毋入民居。翌日，遣视三岔河者还报桥毁无舟楫，乃还。八年，偕阿巴泰伐喀尔喀扎鲁特部。十一年，复从代善伐扎鲁特部。天聪三年，偕济尔哈朗略锦州，焚其积聚。叙功，进和硕贝勒。五年，初设六部，掌户部事。从围大凌河，德格类率师策应，击败明监军道张春。十月，祖大凌河，偕阿巴泰等伪为明军袭锦州，击斩甚众。六年，偕济尔哈朗等略归化城。复偕岳托略地，自锦州至盖州迤南。七年，克旅顺口。八年，从伐明，抚定蒙古来归人户。克独石口。攻赤城，未拔。入保安州，会师应州，还。九年十月，卒。上临其丧，痛悼之，漏三鼓乃还。设祭坐其中，撤饌三日。

逾月，莽古尔泰既卒，为冷僧机所讪，以大逆削籍，德格类坐同谋，追削贝勒。子邓什库，并坐，削宗籍；德克西克，以侍卫从豪格征张献忠，战死，世祖诏其子辉尔食一等阿思哈尼哈番俸。子五、云柱，授一等阿达哈哈番。康熙五十二年，圣祖命复宗籍，赐红带。

巴布海，太祖第十一子。初授牛录章京。天聪八年，授一等甲喇章京。尝命值镇国将军阿拜察祭，巴布海不待阿拜，先往祭。牛未至，取民牛代，以祭牛僮民，民以小不受，讼焉，罚银三十僮民，又不与，再讼。巴布海闻上，责其愚陋，且谓其受制于妻、妾、场古利女也。崇德四年，授梅勒额真，封镇国将军。七年，巴布海语固山额真谭泰曰：“愿娶我梅勒额真。堪为梅勒额真者，多于草木！”谭泰语折之，誓曰：“若口与心违者，天日鉴之！”图海奉命差择牛录贫富，巴布海曰：“我所领牛录甚富。”语闻，巴布海曰：“我非太祖之子欤？谭泰等顾厚诬我。”廷鞠皆实，罪当死，上宽之，但夺爵。世祖即位，有为之书于谭泰者，授一等公塔瞻那。鞠其尔食，谓得之巴布海家。内监逮讯，不承，巴布海及其妻并子阿咯喇皆坐死，籍其家予谭泰。顺治九年，谭泰诛，乃以其孥及遗产畀巴布泰。

阿济格，太祖第十二子。初授台吉。天命十年，从贝勒莽古尔泰伐察哈尔，至安未塔。十一年，偕台吉硕托伐喀尔喀巴林部，复从贝勒代善伐扎鲁特，皆有功，授贝勒。天聪元年，偕贝勒阿敏伐朝鲜，克五城。从伐明，偕莽古尔泰克五塔山粮运。会师锦州，薄宁远，明兵千余人于车营，掘壕，前列火器，阿济格击歼之。总兵满桂出城降，上欲进讨，诸贝勒以距城远，谏不可，独阿济格请从。上督阿济格驰击明骑兵至城下，诸贝勒皆渐，奋不及首，亦进击其步兵，明兵死者大半。二年，以擅主多铎婚，削爵，寻复之。

三年，偕济尔哈朗略略锦州、宁远，焚其积聚，俘三千。复从伐明，克龙井关，下汉儿庄城，克洪山口。进次遵化，击斩明总兵赵率教。薄明都，崇焕、祖大寿以兵二万赴援，屯广渠门外，师逐之，迫城，阿济格从马创，乃还。复偕阿巴泰等略通州，至张家湾。寻从上闻薊州，遇明山海关援兵，阿济格偕代善突入敌阵，大破之。四年，复从伐明，趋广宁，会师大凌河。夜围锦州，明兵袭阿济格营，雾不见人，阿济格严待。青气降，雾豁而门辟，急纵击，获明将一、甲械及马二百余。上酌金局来劳之，授围城方略。寻闻明增兵，上命扬古利率八旗巴牙喇兵之半以益军。大寿弟大滴逐我军中使骑近上前，上擐甲与战，阿济格驰至，明兵步骑退出，

奋击却之，斩明裨将一。上以所统兵付阿济格，明监军追张春援至，又战于大凌河，截杀过半，逐北四十里。六年，从伐察哈尔，林丹汗遁。上移师伐明，令阿济格统左翼及蒙古兵略大同、宣府，尽得张家口所贮犒边财物。七年，城通远堡，迎降将孔有德，拒明及朝鲜兵。诏回攻明及朝鲜，察哈儿三者何先，阿济格言当攻明。偕阿巴泰略山海关，诏责其不深入，阿济格言：“臣欲息马候粮，诸贝勒不从。”上曰：“汝果坚不还，诸贝勒将弃汝行乎？”八年，从伐明，克保安、拔灵丘。

崇德元年，进武英郡王。偕僭余贝勒阿巴泰及扬古利伐明，自雕鹗堡入长安岭，薄延庆。越保定至安州，克昌平、定兴、安肃、宝坻、东安、雄、顺义、容城、文安诸县，五十六战皆捷，俘人畜十余万。又遣固山额真谭泰等设伏，斩遵化三屯营守将，获马百四十余。得优旨，赐鞍马一。师还，上迎劳地载门外十里，见阿济格劳瘁，为泪下，亲酌金厨劳之。上伐朝鲜，命守牛庄。二年，砺托攻皮岛未下，阿济格督所部水陆并进，克之。上遣使褒劳。四年，从伐明，阿济格扬言欲以红衣炮攻台，守者惧，四里屯、张刚屯、宝林寺、旺民屯、于家屯、成化峪、道尔彭诸台俱下。寻还守塔山、连山，俘人马千计。复偕阿巴泰略锦州、宁远。六年，偕济尔哈朗围锦州。守郭蒙古台吉吴巴什等议举城降，祖大寿觉之，击蒙古兵，阿济格夜登牌助战，明兵败，徙蒙古降者于义州。屢击败明兵，赐银四千。

洪承畴率诸将王朴、吴三桂等援锦州，号十三万。上亲视师，营松山。明兵奔塔山，阿济格追击之，获笔架山积粟，又偕多尔袞克敌台四，擒明将王希贤等，朴、三桂仅以身免。明兵犹守锦州、松山、杏山、高桥诸地，上还盛京，命阿济格偕杜度、多铎等围之。承畴夜出松山袭我军，阿济格等督众环射之，明兵败还，城闭不得入，其众二千皆降。七年，围杏山，遣军略宁远。三桂以四千人驻塔山、高桥，不战而退，纵兵四击，又迭败之。八年，复偕济尔哈朗攻宁远，军城北，布云梯发炮，城圯，克之；抵前屯卫，攻城西，斩城四千余，明总兵黄色奔城遁，复克之。

顺治元年，从入关破李自成，进英亲王，赐鞍马二。命为靖远大将军，自边外入陕西，断自成归路，八战皆胜，克城四，降城三十八。时自成为多铎所败，弃西安走商州。诏多铎趋淮、扬，而命阿济格率师讨自成。自成南走，众尚二十万，规取南京。阿济格以师从之，至于邓州，复南至承天，德安、武昌、富池口、桑家口、九江，屢破敌，自成走死，斩其将刘宗敏，俘来献策。宗敏，自成骁将；献策，自成所倚任，号军师者也。明将左良玉子梦庚方驻军九江，师至，执总督袁继威等，率马步兵十万、舟数万，诣军门降。是役凡十三战，下郡县；河南十二，湖广三十九，江西、江南皆六。捷闻，上使赵率军慰劳，诏曰：“王及行间将士驱驰跋涉，悬崖峻岭，深江大河，万有余里，劳苦功高。寇氛既靖，宜即班师。其招抚余兵，或留或散，王与诸大臣商榷行之。”诏未至，阿济格率师还京师。睿亲王多尔袞责阿济格不候诏班师，又自成未死时，先以死闻，遣人数其罪；又在午门张盖坐，召而斥之。复议方出师时，协宣府巡抚李鉴释逮回赤城道朱寿葵及擅取鄂尔多斯、土默特马，降郡王。寻复之。五年，剿天津、曹县土寇。十一月，率师驻大同，姜襄叛，督兵讨之。旋命为平西大将军，率固山额真巴颜等讨壤。六年，壤将刘迁犯代州，遣博洛赴援，围乃解。

多尔袞至大同视师，时阿济格两福晋病卒，命归视。阿济格曰：“摄政王躬擐大政，为国不遑，吾敢以妻死废国事？”阿济格自以功多，告多尔袞曰：“辅政德豫亲王征流寇至庆都，潜身僻地，破潼关、西安不歼其众，追剿机思不取，功绩未著，不当优异其子。郑亲王乃叔父之子，不当称‘叔王’。予乃太祖之子，皇帝之叔，宜称‘叔王’。”多尔袞斥其妄，令勿预部务及交接汉官。

寻复偕阿岱攻大同，会降将杨振威斩壤降，蹙其城壁腕五尺，乃还。八年正月，多尔袞薨于喀喇城，阿济格赴丧次，诸王夜临，独不至，召其子郡王劳亲以兵助多尔袞所属侍卫已。丧还，上出迎，阿济格不去佩刀。劳亲兵至，阿济格张翼与合军。多尔袞左右讪阿济格欲为乱，郑亲王济尔哈朗等遣人于路监之。还京师，议削爵，幽禁。逾月，复议系别室，籍其家，诸子皆黜为庶人。十月，监守者告阿济格将于系所举火，赐死。

阿济格子十一，有爵者三：和度、傅勒赫、劳亲。和度，封贝子，先卒。劳亲与阿济格同赐死。

傅勒赫，初封镇国公。坐夺爵，削宗籍。十八年，渝傅勒赫无罪，复宗籍。康熙元年，追封镇国公。子杓掌、绵克都，并封辅国公。绵克都，事追封。从董额讨王辅臣，守汉中，攻秦州，师无功。授盛京将军，又以不称职，夺爵。上录阿济格功，以其子普照仍袭辅国公，坐事夺爵，以其弟经照仍袭辅国公。雍正间，普照亦以军功复爵，卒。世宗谕曰：“普照军前效力，且其兄友为年羹尧妻，故特予封爵。今羹尧负恩诛死，此爵不必承袭。”居数年，经照亦坐事，夺爵。普照、经照皆能诗。乾隆四十四年，命阿济格之裔皆复宗籍。经照子孙遵降，以奉恩将军世袭。

辅国介直公赖慕布，太祖第十三子。天聪八年，授牛录章京。崇德四年，与议政。七年，从阿济格伐明，败于宁远。上御驾恭殿赏师，阿济格不待赏先归。赖慕布坐不劝阻，夺职，罢议政。顺治二年，封奉恩将军。三年，卒。十年五月，追封。子来枯，袭。累进辅国公。坐事，夺爵。高宗以其孙扎昆泰袭奉恩将军，一传，命停袭。

清史稿第二百十八卷

列传五

诸王四

太祖诸子三 睿忠亲王多尔袞 豫通亲王多铎

子信宣和郡王多尼

信郡王董额 辅国恪僖公察尼

多尼子信郡王鄂扎 费扬果

睿忠亲王多尔袞，太祖第十四子。初封贝勒。天聪二年，太宗伐察哈尔多罗特部，破敌于敖穆穆，多尔袞有功，赐号墨尔根代青。三年，从自龙井关入明边，与贝勒莽古泰等攻下汉儿庄，趋通州，薄明都，败袁崇焕、祖大寿援兵于广渠门外，又歼山海关援兵于薊州。四年，引还，多尔袞与莽古泰先行，复破敌。五年，初设六部，掌史部事。从上围大凌河，战，多尔袞陷降，明兵堕壕者百余，城上炮失发，将士有死者。上切责诸将不之阻，祖大寿约以锦州献，多尔袞与阿巴泰等以兵四千，侨装从大寿作溃奔状，袭锦州，锦州兵迎战，击败

之。事具《阿巴泰传》。

六年五月，从征察哈尔。七年六月，诏问征明及朝鲜，察哈尔三者何先，多尔袞言：“官整兵马，乘谷熟时，入边围燕京，截其援兵，毁其屯堡，为久驻计，可坐待其敝。”八年五月，从伐明，克保安，略朔州。九年，上命僧岳托等万人招察哈尔林丹汗子额哲，师还渡河，多尔袞自平鲁卫至朔州，毁宁武关，略代州、忻州、崞县、黑峰口及应州，多尔袞归化城携降众还。林丹汗得元玉玺曰“制诰之宝”，复允免税额哲进上，群臣因表上尊号。崇德元年，进封睿亲王。武英郡王阿济格等率师伐明，命僧多尔袞攻山海关，明阿济格捷至，乃还，从伐朝鲜，僧豪格别从宽甸入长山口，克昌州。进攻江华岛，克之，获朝鲜王妃及其二子，国王李倬降。上还盛京，命约束后军，携朝鲜质子澄、湜及大臣子以归。

三年，上伐喀尔喀，王留守，筑辽阳都尔弼城，城成，命曰屏城，复治盛京至辽河大道。八月，命为奉命大将军，将左翼，岳托将右翼，伐明。自董家口毁边墙入，约右翼兵会通州河西务。越明都至涿州，分兵八道，行略地至山西，南甸保定，击败明总督卢象昇，遂趋临清，渡运河，破济南。还略天津，迁安，出青山关。克四十余城，降六城，俘口二十五万有奇，赐马五、银二万。五年，屯田义州，克锦州城五十九台，刈其禾。又克小凌河西二台，迭败明兵杏山、松山间。围锦州，王贝勒穆图去城三十里，又令每旗一将校率牛录甲士五人先归。上遣济尔哈朗代传，传谕诘责，对曰：“臣以敌兵在锦州、松山、杏山三城，皆就他处牧马。若来犯，可更番抵御。是以遣人归牧，治甲械。旧驻地草尽，臣倡议移营就牧，罪实在臣。”上复使谕曰：“朕爱尔过于群子弟，锡于独厚。今违命若此，其自议之。”王自言罪当死，上命降郡王，罚银万，夺二牛录。

六年，复围锦州。洪承畴率十三万人屯松山，王屡击之，以故众，清济师。上自将疾驰六日，屯戚家堡，将屯高桥。王请上驻松山，上从间，分兵屯乌尔河南山，巨海为誓，明兵屡却复前，上张黄旗指挥，明兵引退。王偕洛托等趋塔山道横击之，明兵多死者；遂发炮克塔山外四台，擒王希贤等。寻以贝勒杜度等代，王暂还。复出，七年，下松山，获承畴、克锦州，大寿复降。进克塔山、杏山，乃蹙三城，师还，叙功，复亲王。

八年，太宗崩，王与诸王、贝勒、大臣奉世祖即位。诸王、贝勒、大臣议以郑亲王济尔哈朗与王同辅政，誓曰：“有不秉公辅理，妄自尊大者，天谴之！”郡王阿达礼、贝子硕托功王自立，王发其谋，诛阿达礼、硕托，王与济尔哈朗议罢诸王贝勒管六部事，顺治元年正月，却朝鲜饷贡，告济尔哈朗及诸大臣曰：“朝鲜国王因予取江华，全其妻子，常以私馈进。帝时明而受之，今辅政，宜无私交，不当受。”因并禁外国馈诸王贝勒者。济尔哈朗谕诸大臣，凡事先白王，书名亦先之。王由是始专政。固山额真何洛会等讦肃亲王豪格怨望，集议，削爵，令巴图鲁等以治罪，杀死。四月乙丑，上御驾恭殿，授王奉命大将军印，并御用璽，敕使宣行其事，率武英郡王阿济格、豫郡王多铎及孔有德等伐明。丙寅，发盛京。王申，次翁后。明平西伯三桂自山海关来书乞师，王得书，移师向之。癸酉，次西拉塔拉。答三桂书曰：“我国欲与明修好，屡致书不一答。是以整师三入，盖示意于明，欲其熟筹通好。今则不复出此，惟定中原，与民休息而已。闻流贼陷京，崇祯帝惨亡，不胜发指，用率仁义之师，沉舟破釜，誓必灭贼，出囚水火！伯思报主恩，与流贼不共戴天，诚忠臣之义，勿因向守辽东与我敌，尚复怀疑。昔管仲射桓公中钩，桓公用为仲父，以成霸业。伯若率众来归，必封以故土，晋为藩王，国仇可报，身家可保，世世子孙，长享富贵。”

丁丑，次连山。三桂遣使请速进，夜逾宁远抵沙河。戊寅，距关十里，三桂报自成兵已出边。王令诸王逆击，败李自成将唐通于一片石。己卯，至山海关，三桂出

迎，王慰劳之，令所部以白布系肩为识，先驱入关。时自成将二十余万人，自北山列阵，横亘至海。我兵阵不及海岸，王令曰：“流贼横行久，扩而众，不可轻敌。吾观其阵大，首尾不相属，可集我军鳞比，伺敌阵尾，待其衰击之，必胜。努力破此，大业成矣。勿违节制！”既成列，令三桂居右翼后，搏战，大风扬尘，咫尺不能辨。力斗良久，师噪。风止，自三桂阵右突出，捣其不备，马迅矢激，自成登高望见，卒气策马刺。师无不一当百，追奔四十里，自成溃遁。王即军前，制三桂于三关，下关内内军民皆剃发。以马步兵各万人属三桂，追击自成。乃誓诸将曰：“此行除暴救民，天贼以安天下。勿杀无辜，掠财物，焚庐舍。不如约者，罪之。”自关以西，百姓有逃窜山谷者，皆逐乡里，剃发出降。辛巳，次新河驿，使奏捷，师遂进。途中明将失出降，命供职如故。

五月戊子朔，师次通州。自成先一日焚宫阙，载辎重而西。王令诸王偕三桂各率所部追之。己丑，王整军入京师，明将吏民迎朝阳门外，设卤簿，请乘辇，王曰：“予法周公辅冲主，不当乘。”众以周公负负，固请，乃命以卤簿列王仪仗前，奏乐，拜天，复拜阙，乘辇，升武英殿。明将吏入谒，呼万岁。下令将士皆乘城，毋入民舍，民安堵如故。为崇祯帝发丧三日，具帝礼葬之。诸臣降者，仍以明官治事。武英郡王阿济格遂自成至庆都，大破之，获其輜重。自成西奔，又令固山额真谭泰、塔等率巴图鲁兵追至真定，自成败走。王再遣使奏捷，上遣学士詹霸、侍卫巴泰赍敕慰劳。畿辅诸府县先后请降，分遣固山额真巴哈纳、石廷柱略山东，叶臣定山西诸省，金砺等安抚天津。

王初令官民皆剃发，继闻拂民愿，谕缓之。令戒飭官吏，网罗贤才，收恤都市贫民。用汤若望议，厘正刑法，定名曰《时宪历》。复令曰：“养民之道，莫大于省刑罚，薄税敛。自明季祸乱，刁风日熾，设机构讼，败俗伤财，心窃痛之！自今咸与维新，凡五月初二日昧爽以前，罪无大小，悉行宥免。违谕诉讼，以所告罪罪之。斗殴，田，婚嫁，就有可诉理。重大者经按察案，非机要案，毋许入京陈讼。讼师诬陷良民，小等反坐。前朝弊政，莫如加派，丁徭之外，复有剿饷、练饷、数倍正供，远者二十年，近者十余年，天下嗷嗷，朝不及夕。更有召买、粮料诸名目，巧取殃民。今与民约，额赋外，一切加派，尽予删除。官吏不称，察实治罪。”六月，遣辅国公忒齐略、和托、固山额真何洛会等迎上，定都燕京。

明福王由崧称帝江宁，遣其大学士史可法督师扬州，设江北四镇，沿淮、徐置戍。王致书可法曰：“予向在沈阳，即知燕京物望，咸推司马。后入关破贼，得与诸王士相接，识得于清班，曾托其手勒平关，拳致哀绪，未审以何时得此比于道路，路纷纷多谓金陵有自立者。夫君父之仇，不共戴天，《春秋》之义，有贼不讨，则故君不得自葬，新君不得书即位，所以防乱臣贼子，法至严也。闻贼李自成，称兵犯阙，手毒春君，中国臣民，不闻加遣一矢。平西王吴三桂，介在东西，独效包胥之哭，朝延幸其忠义，念累世之宿好，近东邻之小嫌，反整貔貅，驱除狗鼠。入京之日，首崇帝后谥号，卜葬山陵，悉如典礼。亲郡王、将军以下，一仍故制，不加以改削，助威文武诸臣，咸在朝列，恩礼有加。耕市不惊，秋毫无扰。方拟树高气爽，遣将西征；传檄江南，联兵河朔，陈师鞠旅，戮力同心，报乃君国之仇，彰我朝廷之德。岂意南州诸君子，苟安旦夕，弗审事机，聊慕虚名，顿忘志节，予甚感之！国家抚定燕都，得之于闯贼，非取之于明朝也。贼毁明朝之庙主，辱及先人，我国人不憚征伐，悉索敝赋，代为雪耻，孝子仁人，当如何感恩图报。兹乃乘逆寇稽诛，王师暂息，遂欲雄据江南，坐享渔人之利。揆诸情理，岂可谓平？将以为天塹不能飞渡，投鞭不能断流耶？夫闯贼既为明朝累，未尝得非我国家也，徒以薄海同仇，特伸大义。今若拥号称尊，便是我有二日，臣为劝敌。予将简西行之锐，转旌东征，且拟释彼重诛，命为前

导。夫以中华全力，受制潢池，而欲以江左一隅，兼支大
国，胜负之数，无待蓍龟矣。予闻君子之爱人也，以德，细
人则以名。诸君子果识时知命，笃念故主，厚爱贤王，
宜劝令削号归藩，永绥福祿。朝廷当待以虞宾，统承礼
物，带砺山河，位在诸侯上，庶不负朝廷伸义讨贼、兴
灭继绝之初心。至南州群彦，翩然来议，则尔公侯列，
爵分土，有平直之典例在。惟执事实图利之！挽近士大
大好高树名义，而不顾国家之急，每有大事，辄同筑舍。
昔宋人议论未定，兵已渡河，可为殷鉴。先生领袖名流，
主持至计，必能深维终始，宁忍随俗浮沉？取舍从违，
及早审定。兵行在即，可西可东。南国安危，在此一举。愿
诸君子同以讨贼为心，毋贪一身瞬息之荣，而重故国无
穷之祸，为乱臣贼子所窃笑，予实有厚望焉！记有之。惟
善人能受反言，敬布腹心，仁闻咸著。江天在望，延政为
劳，书不宣意。”可法遣人报书，语多不屈。

京师民讹言秋七、八月将东迁，王宣谕当建都燕
京，戒民毋信流言摇惑。又讹言八月屠民；未几，又讹言
上至京师，将纵东兵肆掠，尽杀老幼，止存孩孙。王复宣
谕曰：“民乃国之本，尔曹既诚心归服，复以何罪而戮
之？尔曹试思，今上携将家属不下亿万，与之俱来者
何故？为安燕京军民也。昨将东来各官内，命十余员为
督、抚、司、道等官者何故？为统一天下也。已将盛京帑
银取至百余万，后又转运不绝者何故？为供尔京内外
兵民之用也。且予不忍山、陕百姓受害，发兵追剿，犹犹
未能速定，岂能不爱京畿军民，反行杀戮？此皆众所目
击，何故妄布流言？为必近京土寇，流贼阴谋，有意煽惑
摇动，已谕各部严捕，通行晓谕，以安民心。”九月，上入
山海关，王率诸王群臣迎于通州。上至京师，封为叔父
摄政王，赐貂蟒朝衣。十月乙卯朔，上即位，以王叔父
摄政王，命礼部尚书郎球、侍郎蓝拜，反心郎溆建碑纪绩，加
赐朋宝、黑狐冠一，上饰东珠十三，黑狐裘一，副以金、
银、马、驼。二年，郑亲王等议上摄政王仪制，视诸王有
加礼。王曰：“上前来不敢违礼，他可如议。”翌日入朝，诸
臣跪迎，命还舆，责大学士陈等曰：“此上朝门，诸臣
何故跪呢？”御史赵开士疏言：“王以皇叔之亲，兼摄政
王之尊，臣民宁肯自外于拜舞？郑王恩上恩，群臣渴
王，正当限以礼数，与朝见不同。庶诸臣不失尊王之意，
亦全王尊上之心。上称叔父摄政王，王为上叔父，惟上
得称之。若臣庶宜于叔父上加‘皇’字，庶辨上下，尊体
制。”下礼部议行。其年六月，英亲王莽喀扬州，可法死之。
遂破明南都。闰六月，英亲王逐李自成至武昌，东下九
江，故明宁南侯左良玉子遇剿率众降，江南底定。十月，
上赐王马，王入谢。诏曰：“满洲贺大典，朕受王礼。若小
节，勿与诸王同。”王对曰：“上方幼冲，臣不敢违礼。待
上亲政，凡有宠恩，不敢辞。”时摄政久，位崇功高，时
诫诸臣尊事主上，曰：“俟上春秋鼎盛，将归政焉。”

初，肃亲王恩王已薨，有郅。英、豫二王与王同
母，王视豫亲王厚，每宽假之。豫亲王之征臣尼特也，王
送之出安定门。及归，迎之乌兰诺尔。集诸大臣，语以豫
亲王之功德，宜封叔父王，因罢郑亲王辅政，以授豫亲
王。肃亲王既平四川，王摘其微罪，置之死。四年十二
月，王以风疾不胜跪拜，从诸王大臣议，赦罪正旦前行
礼，他悉免。五年十一月，南郊礼成，赦诏曰：“叔父摄
政王治安天下，有大勋劳，宜加殊礼，以崇功德，尊为皇
父摄政王。凡诏疏皆书之。”六年二月，自讨大将叛将
姜襄，拔浑源。闻豫亲王病痘，先归。谕襄降，未下，以师
行在外，铸行在印。禁诸王及内大臣干预部院政事及汉
官升降，不论所言是非，皆治罪。七月，复征大同，襄将
杨振威斩襄降。十月，移师讨喀尔喀二楚博尔，征故汉、
扎喀特、察哈尔、乌喇特、土默特、四部落以兵来会。
喀喀特布拉克，不见敌，乃还。十二月，王妃博尔济吉特
氏薨，以册宝追封为敬孝忠恭正宫元妃。

七年正月，王纳肃王福金，福金，妃女弟也。复征女
朝鲜。令部事不须题奏者，付翼亲王满达海、端重亲王

博洛、敬谨亲王尼堪料理。五月，率诸王贝勒猎于山海
关，朝鲜送女至，王迎于连山，成婚。复猎于中后所，责
随猎王贝勒行列不整，罚醵有差。七月，谕以京城当夏
海暑不可堪，择地筑城避暑。令户部加派直隶、山西、浙
江、山东、江南、河南、湖广、江西、陕西九省地丁银二
百四十九万两有奇，输京师备用。八月，王尊所生母太
祖母妃乌喇纳拉氏为孝烈恭敏献哲仁和内赞天福圣武皇
后，附太庙。寻有疾，语贝子锡翰、内大臣唐纳布库等
曰：“予罹此大疾，体复不快。上虽人主，独不能循家人
礼一临幸乎？谓上幼冲，尔等皆亲近大臣也。既又戒
曰：“毋以予言请上临幸。”锡翰等出，追止之，不及，上
幸王第。王因责锡翰等，议罪当死，旋命贯之。十一月，
复猎于边外。十二月，薨于喀喇城，年三十九。上闻之，
震悼。丧还，率王大臣编席迎奠东直门外。诏追尊为懋
德修道广业定功安民立政诚敬义皇帝，庙号成宗。明年
正月，尊妃为义皇后。附太庙。

王无子，以豫亲王子多尔博为后，袭亲王，俸视诸
王三倍，诏留护卫八十员。又以王近侍苏克萨哈、詹詹
为议政大臣，王曰，苏克萨哈、詹詹皆告王薨时，其侍女
吴尔库尼将殉，请为王所制八补黄袍，大东珠素珠、黑
貂褂置棺内。王在时，欲以两固山驻水平，谋篡大位。固
山额翼谨密奏亦言王纳肃王福金，复令肃王子至第较射，
何洛会以恶言谮之。于是郑亲王济尔哈朗、翼亲王满达
海、端重亲王博洛、敬谨亲王尼堪及内大臣等疏言：“昔
太宗文皇帝龙驭上宾，诸王大臣共矢忠诚，翊戴皇上。
方在冲年，令济尔哈朗与睿亲王多尔袞同辅政。逮后
多尔袞擅揽威权，不可令济尔哈朗预政，遂以母弟多铎
为摄政王。王督率行，妄自尊大，自称皇帝摄政王。凡批
票本章，一皆皇帝摄政王行之。仪仗、音乐，侍从、府第，
皆拟至尊。擅称太宗文皇帝帝序不当，以挟制皇上，构
陷威逼，使肃亲王不得其死，遂纳其妃，且收其财产，更
悖理人生母子太庙。僭妄不可枚举。臣等从前畏威吞
声，今冒死奏闻，伏愿重加惩治。”诏削爵，撤庙享，并罢
睿亲王府后谥号庙享，黜宗室，籍财产入官，多尔博归
宗。十二年，吏科副理事官彭长庚、一等精奇尼哈番许
尔安各疏颂功绩，请复爵号，下王大臣议，长庚、尔安坐
论死，诏流于古塔。

乾隆三十八年，高宗诏曰：“睿亲王多尔袞摄政有
年，威福自专，致后其属人告定，罪除朕初，第念定鼎之
初，王实统众入关，肃清京禁，檄定中原，前劳未可尽
泯。其后嗣废支，坐城拔克，殊堪悯恤。交内府派员
缮葺，并令度支王公以时祭扫。”四十三年正月，又诏
曰：“睿亲王多尔袞创荡贼氛，肃清京禁，分遣诸王，追
歼流寇，统一统之业，厥功最著。彼后为苏克萨哈所构，
首诬以谋逆，其时世祖尚在冲龄，未尝亲政，经诸王定
罪除封，朕念王果明异志，兵权在握，何事不可为？乃不
于彼时因利乘便，直至身后始以叙服僭用龙袍，证为悞
觊，有是理乎？（实录）载：‘王集诸王大臣，遣人传语曰：
“今观诸王大臣但知嫌王，鲜能尊上，予岂能容之？昔太
宗升遐，嗣君未立，英、豫王跪请予即尊，予曰：‘若果
如此言，予即当自刎。’誓死不予尔有。’且云：‘太宗恩育予躬，所以特
异于诸子弟者，盖深信诸子弟之成立，惟予能成立
之心行事，实为笃忠忘，感恩厚，明君臣大义。乃由宵小奸
谋，构成冤狱，岂可不为之昭雪？’宜复还睿亲王封号，追
谥曰忠，配享太庙。依亲王国例，修其墓，令太常寺
春秋致祭。其爵世袭罔替。”

多尔博归宗封贝勒，仍还太后后，以其五世孙辅
国公浑福宗。四世祖镇国公苏尔发、曾祖辅国公塞
勒、祖辅国公恪勤公功宜布先进封信郡王，至是，与淳

父信恪郡王如松并追封睿亲王。嘉庆五年，淳颖薨，谥曰恭，子宝恩，袭。七年五月，薨，谥曰慎，弟瑞恩，袭。道光六年，薨，谥曰勤，子仁寿，袭。道光九年，上巡盛京谒陵，追念忠王，推恩赐三眼花翎，同治三年，薨，谥曰禧。子德长，袭。光绪二年，薨，谥曰惠，子魁斌，袭。

豫通亲王多铎，太祖第十五子。初封贝勒。天聪二年，从太宗伐多罗特部有功，赐号额尔齐楚呼尔。三年，从上伐明，自龙井关入，偕莽古尔泰、多尔衮以偏师降汉儿庄城。会大军克遵化，薄明都，广渠门之役，多铎以幼留后，明赞兵来犯，击却之。师还，次薊州，复击败明援兵。五年，从围大凌河城，为正白旗后应，克近城台堡。明兵出锦州，屯小凌河岸，上率二百骑驰击，明兵走。多铎逐之，薄锦州，坠马，马逸入敌阵，乃夺军校马乘以还。六年，从伐察哈尔，将右翼兵，俘其众千余。

七年，诏问征明及朝鲜，察哈尔三者何先，多铎言：“我军非怯于战斗，但正攻方入，岂可必得？大攻山海关与攻燕京，等攻耳。臣以为宜入关，庶膺土宇，亦久远计也。且相机审时，古今同然，我军若弛而敌有备，何隙之可乘？吾所爱于明而必言和？亦念士卒劳苦，姑为宽蛇，倘时可乘，保持再讨。至察哈尔，且勿加兵；朝鲜已和，亦勿遽绝。当先图其大者。”八年，从上略高丽，巴颜禄京进，寻克其地，未下，趋保安，克之。谒上应州，复略朔州，经五台山，还，败明兵大同。九年，上遣诸贝勒伐明，徇山西，命多铎率师入晋，绥靖明师。遂自广平入，遣固山额真阿山、石廷柱率兵四百前驱。祖大寿合锦州、松山兵三千五百屯大凌河，多铎率所部驰击之，大寿奔堡，命分道追击，一至锦州，一松山，斩获无算。翌日，克台一，还驻广宁。师还，上出怀远门五里迎劳，赐良马五、甲五。上嘉之曰：“朕幼弟初专阃，即能制胜，是可嘉也！”

崇德元年四月，封豫亲王，掌礼部事。从伐朝鲜，自沙河堡领兵千人继噶布什贤兵，至朝鲜都城。朝鲜金罗、忠清二道援兵至南汉山，多铎击败之，收其马千余。扬古力为残兵所败，捕得其人，斩以献。三年，伐锦州，自蒙古扎拉博罗界分率巴牙喇及土默特兵入明境，克大兴堡，俘其居民，道遇明谍，擒之。诏与郑亲王济尔哈朗率军，经中后所，大寿以兵来援，我军伤九人，亡马三十多。多铎且战且走，夜达郑亲王所，合师遁中后所城。上统帅众，敌不敢出。四年五月，上御崇政殿，召多铎戒谕之，数其罪，下诸王、贝勒、大臣议，削爵，夺所属入官。上命降贝勒，罚银万，夺其奴仆、牲畜三分之一，予睿亲王多尔衮。寻命掌兵部。十月，伐宁远，上斩明总兵金国凤。五年三月，命与郑亲王济尔哈朗率师修义州城，驻兵屯田，并扰明山海关外，毋使得耕稼。五月，上临视。附明蒙古多罗特部苏班岱降，上命偕郑亲王以兵迎之，经锦州香山，明兵来追，击败之，赐喇嘛良马一。围锦州，伐伏兵桑阿尔奇堡，旦，故至，败之，追至塔山，斩八十余级，获马二千。六年三月，复围锦州，环城立八营，凿壕以困之。大寿城守蒙古将诺木齐降，师继以入，击大寿，掣降者出，置之义州。明援兵自杏山至松山，多铎与郑亲王率两翼兵伏锦州南山西冈及松山北岭，纵噶布什贤兵诱敌，夹击，大败之。洪承畴以十三万援锦州，上自盛京驰地六日抵松山，环城而营，明兵震怖，宵遁。多铎伏松山旁，明总兵吴三桂、王朴自杏山奔宁远，吾军追及于高桥，伏发，三桂等仅以身免，嗣与王超更番围松山，屢破敌。七年二月，明松山副将夏承德遣人通款，以其子舒为质，约内应，夜半，我军梯而登，获承畴及巡抚邱民仰等。叙功，进郡王。复布屯宁远边外，缴明师，俘获甚夥。

顺治元年四月，从睿亲王多尔衮入关，破李自成，进亲王。命为定国大将军，南征，定怀庆。进次孟津，遣巴牙喇章京图赖率兵先渡，自成守将走，沿河十五寨堡皆降。再进次陕州，克灵宝。再进，距潼关二十里，自

成兵据山列营，噶布什贤噶喇依昂邦努山及图赖、鄂硕等击败之。二年正月，自成率步骑迎敌，师奋击，歼其步卒，骑卒奔溃。及夜，屢犯堡垒，重击壕，立坚壁。师进，发巨炮迭战，自成兵三百骑冲我师，贝勒尼堪、贝子尚善等跃马来击，屢破敌垒，尸满壕壑，械弃山野，自成精锐略尽，遁归西安，其将马世尧率七千人降。入潼关，获世尧所遣致自成书，斩于阙。进次西安，自成先五日毁室庐，掣子女城南，出蓝田口，窜商州，南走洛南。二月，诏以陕西贼付英亲王阿济格，超多铎自河南趋淮、扬。师退河南，开封，趋归德，诸州悉悉降，所设官吏，安集流亡，诏褒多铎功，赐敕珠佩刀、钱金鞍带。四月，师进次泗州，渡淮趋扬州，遣兵部尚书汉岱等先驱，得舟三百余，围七日，克之，杀明大学士可法。五月，师再进，次扬州江北岸，明将郑鸿逵等以水师守瓜洲，仅真，师列营相持，造船二百余，遣固山额真拜音图将水师薄南岸，复遣梅勒额真李率泰护诸军淮江。明福王田畹走太平。师再进，明忻城伯赵之龙等率文武将吏，籍马步兵二万三万有奇，使迎师。

多铎至南京，承制受其降，抚辑遗民。遣贝勒尼堪、贝子屯齐河太平，追击明福王。福王复走芜湖，图赖等邀之江口，击杀明将黄得功，获福王。捷闻，上遣侍臣慰劳。明路王常书守杭州，遣贝勒博洛率师讨之。路王降。江、浙底定。多铎承制改置南京为江南省，疏请授江宁、安庆巡抚以下官，别遣精奇尼哈番吴兆熊、徐庐江、和州，并下。遣贝勒勒克德浑代镇江宁，召多铎还京师。上幸南苑行郊劳礼，进封德豫王，赐恩殊渥，紫貂朝服、金五千、银五十万、马十、鞍二。三年，命为扬威大将军，偕承泽郡王硕塞讨苏尼特部腾机思、腾机兵等。师至盈阿，阿尔察克山，闻腾机思方在套噶喇台，疾行三昼夜，败之于特穆特山，斩台吉茂茂。渡图拉河，追至布尔哈图山，斩腾机特子二、腾机思孙三，尽其族氏。师次扎济布喇克，喀尔喀土谢图汗遣兵二万，硕塞车臣汗遣兵三万，迎战。我师奋击，逐北三十里，先后斩级数千，俘千余，获鞍千九百、马二万一千一百、牛万六千九百、羊三万五千三百有奇。师还，上出安定门迎劳，加赐王鞍马一。四年，进封为辅政叔德豫王，赐金百、银万、鞍马二、封册增录功。六年三月，以痘薨，年三十六。九年三月，睿亲王既削爵，以同母弟追封郡王。康熙十年，追谥。乾隆四十三年正月，诏配享太庙。

多铎子八，有爵者四：多尼、董额、察尼、多尔博，费扬古。费扬古自三等奉国将军进封辅国公，坐守，袭爵。信宜和郡王多尼，多铎第一子。初封郡王。顺治六年十月，袭豫亲王。八年，改封信亲王。九年，降郡王。十五年，命为安远靖寇大将军，偕平郡王罗科科等南征。师自湖南入贵州，趋安定卫。师将李定国筑盘江口铁索桥，遣，师以浮桥济，自交水进次松林寺，伐盘江白文选。十六年正月，薄云南会城，定国、文选挟桂王走永昌，遣贝勒尚善以师从之，克永昌及腾越，上遣慰劳，御衣、蟒袍及鞍马、弓矢。十七年五月，师还，使内大臣迎劳。六月，追论云南谗坐噶布什贤昂邦努山等磨盘山败绩事，罚银五十万。十八年正月，薨，谥曰宣和。

子鄂扎，嗣。康熙十四年，命为抚远大将军，讨察哈尔布尔尼。师次岐尔哈台，闻知布尔尼也达禄、鄂扎令留镶黄，偕副将军图海及梅勒额真吴尔纯轻骑进。布尔尼设伏待，命分军搜山涧，伏发，师与土默特兵合击败之。布尔尼督兵列火器以待，师奋击，布尔尼大败；复收溃卒再战，又击败之，获马械无算。布尔尼以三千骑遁，中途为科尔沁部格沙津射获。察哈尔平，抚余党一千三百余人。师还，上迎劳于旗，诏褒功，赐金百、银五十万。寻掌宗人府事。二十九年，副恭亲王常宁备噶尔丹。三十五年，从上北征，领正白旗营。三十八年，以惰，解宗人府。四十年，薨，以多铎子董额袭。

信郡王董额，多铎第三子。初封贝勒。康熙十三年，命为定西大将军，讨叛将王辅臣。董额遣将梅勒额真赫